



太平御覽卷第...

四夷部十

南蠻七

西南夷

上空三下行同

印

祚

白馬

白狼夷

禪國

牂牁

濮一

尾濮

木綿濮

文面國

析要目濮

赤口濮

黑髮濮

朱提

昆彌國

西爨

東女國

西南夷

上空四卷內同



梁祚魏國統曰西夷土有異摩三角夜行如大炬火照數十步或時解脫則藏於深密之處不欲令人見之王者貴其異以為簪履消除凶逆

又曰西南夷有大湖名禁打水水中有毒氣中有物噴噴作聲射中木石則破列城中人則死其俗名曰鬼彈聞聲已至不可得見可也

郭義恭廣志曰建寧郡其氣平冬不極寒夏不極暑盛夏如五月盛冬如九月天下之異地海內唯有此按月令記五氣之中位宜在西南如此豈當上行之方戊巳之域乎

夜郎

漢書曰南夷君長以十數夜郎最大漢武帝建元六年大

者以道遠不可擊遣太中大夫張匡特郎和解並不從杜欽說王鳳曰

張匡和解蠻夷王侯王侯不從不憚國威其情可見恐議者選更復守

和息突以要音人克反太守察動靜有變更以聞之此則復曠一時曠也一時三月言空廢一時不早設兵也

王侯得牧獵其中眾固其謀黨助眾多各不勝忿必相殄滅自知

罪成狂犯守尉言起狂動心而殺守尉遠藏濕暑毒草之地雖有孫吳貢

育為將士若入水火往必焦沒勇智俱亡所設施此田守

之費不可勝景冥因其一

罪惡 未疑漢加誅陰勅旁郡守尉練士馬大司農先調

穀積要害處調發也於敵為害也要害者在我為要選任職太守往以

秋涼時為誅其王侯尤不軌者即以為不毛之地亡用之

人聖主不以勞中國言猶草也不毛宜罷郡放棄其民絕

其王侯勿復通如以先帝所以累代之功不可隳壞亦宜

因其萌芽草斷絕之及已成形後師興則萬姓被害矣鳳



於是薦陳立為牂牁太守立至牂牁廼從吏數十人出行
無何召興將數千人出徃立數責因斷興頭出曉其衆皆
釋兵降興子耶務收餘兵迫脅旁二十邑反立又擊平之
後漢書曰夜郎者初有女子院於遯水有三節大竹流入
是間聞其中有號聲剖竹視之得一男子歸而養之及長
有才武自立為夜郎侯以竹為姓武帝平南夷夜郎侯迎
降天子賜其王印綬後遂殺之夷獠咸以竹王非血氣所
生甚重之求為立後牂牁太守吳霸以聞天子乃封其三
子為侯死配食其父今夜郎縣有竹王神是也

滇

漢書曰南夷君長其西靡莫之屬以十數滇地最大皆

推

行王恢擊東粵因兵威使番禺令唐蒙諷曉南粵南粵食蒙
以蜀枸醬蒙問所從來曰道西北牂牁江江廣數里出番
禺城下蒙歸至長安問蜀買人獨蜀出枸醬多持竊出市
夜郎夜郎者臨牂牁江江廣百餘步足以行船南粵以財
物役屬夜郎西至桐師然亦不能臣使也蒙廼上書曰竊

聞夜郎所有精兵可得十萬浮船牂牁出不意此制粵一
奇也誠以漢之強巴蜀之饒通夜郎道為置吏甚易上許
之乃拜蒙中郎將將千人從巴笮關入遂見夜郎侯多同
多同其厚賜諭以威德約為置吏使其子為令夜郎侯小
侯名邑皆貪漢繒布以為漢道險終不能有也乃且聽蒙約還
報乃以為捷為郡發巴蜀卒自犍道詣牂牁江蜀人司馬

相如亦言西夷印笮可置郡使相如以中郎將往諭皆入南夷為置一郡尉十餘縣屬蜀後數歲道不通士罷餓餒離暑濕死者甚眾西南夷又數反發兵興擊耗費無功上患之命公孫弘往視問焉還報言其不便上許之罷西夷獨置南夷兩縣一都尉稍令犍為自保就令自保牛且修夜郎侯始倚南粵南粵已滅還誅反者夜郎遂入朝上以為夜郎王

又曰昭帝始元中牂牁談指同並等二十四邑凡三萬餘人皆反並音伴談指同並後遣水衡都尉發蜀郡犍為兵擊破之後始繒葉人復交鈞町侯王波率其人擊之有功漢立王波為鈞町王至成帝河平中夜郎王興與鈞町王烏扁卧候俞漏臥候邑名後更舉兵相攻牂牁太守請發兵誅興等議

艱本及夜下自
以州王不知漢
廣大使者還因
盛言滇大甘字

警耕田有邑聚楚威王時使將軍莊躋將兵循江上備巴黔中以西莊躋至滇地地方二百里旁地肥饒數千里以威定屬楚欲歸報會秦擊奪楚巴黔通郡道塞不通漢元時中天子乃令王然于柏始昌呂越人等千餘輩間出西南夷指求身毒國至滇滬當羗乃留為求道四歲余皆閉昆明莫能通滇王與漢使言孰與我大及夜郎國足事親

附師古曰可專事也天子注意焉及南粵已滅乃使王然等以兵威風諭滇王入朝滇王有眾數萬人其旁東北勞

深摩莫皆同姓相杖未肯聽而曲倚也相倚也勞莫

數歸犯使者吏卒元封二年天子發巴蜀兵擊滅勞深靡莫以兵臨滇滇王始首善以故弗誅滇王離西夷舉國降

置吏入朝於是益州郡賜滇王印復長其民西南夷君長以百數獨夜郎滇受王印滇小邑最寵焉

後漢書曰滇郡有池周回二百餘里水源深而末更淺狹有似倒流故謂之滇池河土平敞多出鸚鵡孔雀有鹽池田漁之利金銀畜產之富人俗豪怙居

官者皆富及累代及王莽政亂益州羣夷棟蚕若豆等起兵殺郡守越雋姑復夷人大牟亦皆叛莽遣寧始將軍廉

丹發巴蜀吏人卒徒十萬擊之連年不克而還以廣漢文齊為太守郡夷甚得其和及公孫述據益土齊固守拒險

聞光武即位乃開道遣使自聞蜀平徵為鎮遠將軍封成義侯於道卒詔為起祠堂郡人立廟祀之

又曰建武十八年夷渠帥棟蚕與姑復揅掄揅連然滇

池連怜昆明諸種反叛遣武威將軍劉尚發卒擊之尚軍渡瀘水入益州界羣夷皆弃壘奔走向進軍連戰皆破之

追至不韋孫盛蜀譜曰初秦徙呂不韋子弟於蜀宗族漢武開西南夷置郡縣徙呂氏以居之因置不韋縣斬獲甚眾諸夷悉平

又曰章帝元和中蜀郡王追為太守政化尤異有神馬四

足出滇池河中蜀志曰後主建興二年諸葛亮率眾南征所戰皆捷孟獲者為夷所服募生致之既得觀於營陣之間問曰此軍何如獲曰不

知虛實故敗獲易勝耳亮縱之使更戰七擒而亮猶遣獲獲止不去曰公天威也南人不復反矣遂至滇地南中皆平

叩

漢書曰自滇以北君長以十數叩都最大皆推犍髻耕由有

邑聚

後漢書曰邛都夷者武帝開以為邛部縣無幾而地陷為
澤澤因名為邛池南人以為邛河其後復反叛元鼎六年
漢兵自越嶲水伐平之以為越嶲郡其郡土地平原有稻
田俗多遊蕩而喜謳歌畧與牂牁相類豪帥放縱難得制
御王莽時郡守枚根枚根名也調邛人長貴以為軍侯更始二年長
貴攻殺根自立為邛谷王至光武因就封之授越嶲太守
印綬後劉尚擊益州夷路由越嶲長貴聞之疑尚既定南
邊威法必行已不得自放縱即聚兵托呼諸君長多釀毒
酒欲先以勞軍因襲擊尚知其謀即分兵先據邛都遂掩
長貴誅之徙其家屬於城都

又曰安帝時永昌益州蜀郡東並今雲南郡也皆叛眾十餘萬破壞二十餘縣益州刺史張喬乃遣從事楊竦持兵至
撲於破之渠帥三十六種皆來降附竦因奏長吏奸猾侵犯蠻夷者九十人皆滅死論

文曰永平中邛都太守巴郡張翁政化清平得夷人和在
郡十七年卒夷人愛慕如喪父母蘇祈蘇祈名也叟二百餘人
齋牛羊送喪至翁本縣起墳祭祀詔書嘉美為立祠堂後
夷反亂天子以翁有遺愛拜其子湍為太守夷人歡喜皆
奉迎道路曰郎君儀貌類我府君後湍頗失其心有欲反
者諸夷耆老相饒語曰當為先府君故遂得以安
南中八郡志曰邛河縱廣二十里深百餘丈多大魚長一
二丈頭特大遙視如戴鐵蓋狀
李膺益州記曰邛都縣下有一老媪家貧孤獨每食輒有
小蛇頭上戴一角在床間媪憐餽之後稍長大遂長丈餘
令有駿馬蛇遂吸殺之令因大忿恨令媪責出蛇毋云在

末下令即掘地愈大而無所見令遷怒殺媿蛇乃感人以
靈言噴令何殺我母當為母報雖此後每夜四聞若風四
十許日百姓相見咸驚語汝頭船忽載魚是夜方四十里
與一時俱陷為^胡主人謂之為陷河唯母宅無恙訖今猶
存漁人採捕必依止宿每有浪輒居宅側恬靜無他風人
水清猶見城郭樓櫓^畧然^畧今水淺時土人下水取得舊木
堅貞光黑如漆好事者以為^蛭相贈焉

祚

漢書曰自嶺以東北君長以十數祚都最大其俗或土著
或移徙

後漢書曰祚都夷者武帝所開以為^祚都縣其人被髮左

衽言語多譬類居處畧與^淡山夷同土出長年神藥仙人
山圖所居焉元鼎六年以為沉黎郡至天漢四年并蜀為
西部置兩都尉一居旄牛主徼外一居青衣主漢人也

嶠

漢書曰桐師以東北至^崇葉榆名為嶠昆明編髮隨畜遷徙
無常處無君長地方可數千里

永昌郡傳曰越嶠郡在建寧西北千七百里沿江都縣自
建寧高山相連至川中平地東西南北八千餘里郡特好
桑蠶宜黍稷麻麥稻梁

冉駝

漢書曰自在以東北君長以十數冉駝最大其俗或著土

或移徙

後漢書曰冉駹夷者武帝所開元鼎六年以為汶山郡

郡西地也通至宣帝地節三年夷人以爲賦重帝乃省并蜀

郡爲北都尉其山有六夷七羗九氏各有部落其王侯

頗知文書禮法俗嚴重貴婦人黨母族死則燒其尸土氣

多寒雖在盛夏冰猶未釋皆以山居止累石爲高屋者至

十餘丈爲卬籠人呼爲臙又主瘠地鹵不生穀粟麻菽唯

以麥爲貨而宜畜牧有旄牛無角一名犛牛肉重千斤毛

可爲毼出馬有羶羊可療毒又有食藥鹿麋有胎者其腸

中糞亦療毒疾又有五角羊麝香輕毛毼雞猩猩其人能

作旄羶青蠅班蜀髦羶羊羗之屬請頓羶並無二字特多雜

藥地有鹽土煮以爲鹽麇羊牛馬食之皆肥麇音子其西又有

三河槃于虜北有黃石北地盧水胡其表乃爲徼外後靈

帝時復分屬郡北地爲汶山郡

白馬

漢書曰蜀之西冉駹以東北君長以十數白馬最大皆氏類也

後漢書曰白馬氏者武帝元鼎中分開廣西部合以爲武都土地險

阻有麻田出名馬牛羊漆蜜氏人勇戇抵冒貪貨死利居於河池

一名仇池方百頃四面斗絕數爲邊寇郡縣討之則依固自守元

封三年氏人反叛遣兵破之昭帝元鳳中氏人復叛執金吾馬適建姓馬名適建

等將三輔太常徒討破之建武初氏人悉附隴蜀及隗囂滅其酋豪乃

背公孫述降漢馬援上復其王侯君長賜其印綬後囂族

人隗茂反殺武都太守氏人大豪齊鍾雷為種類所敬信
威服諸豪與郡丞孔奮擊茂破斬之

白狼夷

後漢書曰永平中益州刺史梁國朱輔好立功名慷慨有
大略在州數歲宣示漢德威懷遠夷自汶山以西前代所
不至正朔所不加白狼槃木唐敢等百餘國戶百三十餘
萬口六百萬以上舉種奉貢稱為臣僕輔上疏曰臣聞詩
云彼徂者岐有夷之行傳曰岐道雖僻而人不遠詩人誦
詠以為符驗今白狼王唐敢等慕化歸義作詩三章路經
邛來大山零高坂峭危峻險百倍岐道緝負老幼若歸慈
母遠夷之語辭意難正草木異種鳥獸殊類有犍為郡掾

田恭與之習狎頗曉其言臣輒令訊其風俗譯其言語今
遣從事史李陵與恭護送詣闕并上其樂詩昔在聖帝舞
四夷之樂今之所上庶備其一帝嘉之事下史官錄其歌
焉諫觀記載其歌并載夷人之本重語並至和帝永元十
二年旄牛徼外白狼樓薄蠻夷王唐繒等遂率種人十七
萬口內屬

禪國音

後漢書曰和帝永元九年禪國王雍由調遣使重譯奉國
和寶和帝賜金印紫綬安帝末寧初復遣朝貢獻樂及幻
人能變化吐火自支解易牛馬頭又善跳丸數乃至千自言
我海西人海西即大秦也禪國西南通大秦明年元會安帝

作樂於庭封雍由調為漢大都尉賜印綬金銀綵繒各有差

牂牁

後漢書曰初楚滇襄王時遣將莊豪從沅水伐夜郎軍至且蘭標椽船於岸而步戰既滅夜郎因留王滇池以且蘭有標椽船牂牁處乃改其名為牂牁標牁地多兩潦俗好巫鬼禁忌寡畜生又無蠶桑故其郡最貧有標椽木可以為麵百姓資之

又曰公孫述時牂牁大姓龍傳尹董氏與郡曹謝暹保境為漢乃遣使從番禺江奉貢標光武嘉之並加褒賞桓帝時郡人尹珍自以生於荒裔不知禮義乃從汝南許慎應奉受經書學成還鄉里教授自是南域始有學焉永昌郡傳

曰牂牁郡在建寧東北千二百里處所險峻率皆高山而少平地

唐書曰牂牁首領亦姓謝氏其地北去交州一百五十里東至辰州二千四百里南至交州一千五百里西左昆明九百里無城壁散為部落而居土氣鬱熱多霖雨稻粟再熟無徭役唯征戰之時乃相屯聚刻木為契其法劫盜者三倍還贖殺人出牛馬三十頭乃得贖死家風俗物產畧與東謝同其首領謝龍羽大業末據其地勝兵數萬人

又曰武德三年牂牁蠻首領謝龍羽遣使朝貢授龍羽牂州刺史封夜郎郡公貞觀四年復朝貢開元十年酋長謝元齊死詔立其嫡孫嘉藝襲其官封二十五年大酋長趙

君道來朝獻方物元和三年五月勅自今已後委黔南觀
察使差本道軍將充押領押領牂牁昆明等四年正月遣
使來朝是月遣中使魏德和領其使并賫國信物降璽書
賜其王焉自後朝貢不絕

臨海異物志曰桄榔木生牂牁河外皮有毛似枳櫚而散其
木剛作鋤利如鐵中更利唯中焦根乃致敗耳皮中有似
擣稻米片又似麥麵作餅餌廣志曰桄榔樹大四五圍長
五六丈洪直旁無枝條其顛生葉不過數十似葉破其木
肌堅難傷入數寸得麵赤黃密緻可食

濮

周書會曰卜人丹沙云西南之蠻丹沙所出按卜人蓋今

之濮人也

又曰湯令伊尹為四方獻令伊尹曰臣請正南歐陽桂國
指子陸童百濮九箇請今以珠璣瑇瑁象牙齒文犀翠羽
菌鶴短狗為獻

永昌郡傳曰雲南郡在建寧南二十五里治雲南縣亦多
夷濮分布山野千人五百女大小踰踞道側皆持數種器
杖時冠鈔為郡邑之害

尾濮

永昌郡傳曰郡西南千五百里徼外有尾濮尾若龜形長
四五寸欲坐輒先穿地空以安其尾若邂逅誤折尾便死
男女長各隨宜野會無多嫁娶猶知識毋不扶南俗傳

曰拘利東有蒲羅中人人皆有尾長五六寸其俗石人按
其地並西南蒲羅蓋尾濮之地名也

梁祚魏國統曰西南有夷名曰濮其地出璫瑁犀象珠璣
金銀葛越註木人皆蠻夷重譯乃通也

木綿濮

郭義恭廣志曰木綿濮土有木綿樹多葉又房甚繁房中
綿如蠶所作其大如拳音

文面濮

文面濮

廣志曰折腰濮其俗生子皆折其腰

赤口濮

廣志曰赤口濮在東永昌南其俗折其齒劓其唇使赤又露

身無衣服

墨黻濮

廣志曰墨黻濮在永昌西南山居耐勤苦其衣服婦人
一幅為裙或以貫頭丈夫以穀布皮為衣其境出白蹄牛
馬犀象武魄金銅華布

朱提

永昌郡傳曰朱提在郡犍南千八百里治朱提縣川中縱廣
五六十里有大泉池水名千頃池又有龍池以灌漑
種稻與棘道接多猿羣聚鳴嘯於行人徑次聲聒人耳表
分布山谷間食肉衣皮雖有人形禽獸其心言語服飾不
與華同有堂狼山山多毒草盛夏之月飛鳥過之不能

廣志文面濮其俗
劓面而以青畫
之
折腰濮

去

又曰建寧郡朱提之東南六百里土氣和適盛夏之月熱不鬱蒸猛冬時寒不慘慄

又曰永昌郡在雲南西七百里郡東北八十里瀘倉津此津有^瘴氣往以二月渡之行者六十人皆悉悶亂毒氣中

物則有聲中樹木枝則折中人則令奄然青爛^也又曰興古郡在建寧南八百里郡領九縣經千里皆有瘴氣救殺

鷄^豚豕魚酒不可食^{食皆病}害人郡北三百里有槃江廣數百步深十^餘丈此江有毒瘴九縣之人皆號曰鳩民言語嗜欲

不與人同鳩民咸以三尺布角割作兩褶不復加鍼縷之功也廣頭着前狹頭覆後不蓋其形與裸身無異

昆彌國

唐書曰昆彌國一曰出昆明西^南朝夷也在爨之西洱河為界即葉榆河其俗與突厥畧同相傳云與匈奴本是兄弟國也漢武帝得其地入益州部其後復絕諸葛亮定南中亦所不至武德四年雋洽中吉弘使南寧因至具國諭之至十二月遣使朝貢貞觀十九年四月右武侯將軍梁建方討蠻降其部落七十二^戶九千三百

西爨

唐書曰西爨方南寧之渠帥也自云本河東安邑人也世祖仕晉為南寧太守屬中國亂遂王蠻夷梁元帝時南寧州刺史徐文盛徵詣荆州有爨瓚者遂携南寧之地延袤

二千餘里俗多華民饒駿馬明珠犀象贊死有二子震翫
分統其衆隋開皇初遣使朝貢文帝遣薛世冲將兵鎮之
析置恭州協昆州未幾復叛後遣史萬歲擊之所至皆破
踰西洱河臨滇池而還翫懼而來朝文帝誅之諸子沒為
官然不收其地因與中國絕高祖受禪拜翫子弘達為昆
川刺史持其父屍歸葬本鄉益州段綸又遣俞大施至南
寧諭其部落悉來歸款自是朝貢不絕

東女國

唐書曰東女國西羌之別種以西海中復有女國故稱東
女焉俗以女為王東與茂州党項接東南與雅州接隔羅
文蠻及白狼夷其境東西九日行南北二十日行有大小

八十餘城所居名延康川中有弱水南流用牛皮為船以
渡戶四萬衆勝兵萬餘人散在山谷女王號為賓就有女
官曰高霸平議國事在外官僚並男夫為之其王侍女數
百人五日一聽政令王若死國史多歛金錢動至數萬更
於王族求令女二人而立也王其次為小王若大
王死即小王嗣立或姑死而婦繼無有篡奪其所居皆起
重層屋王至九層國人至六層其王服青毛綾裙下領衫
披青袍其袖委地冬則羔裘飾以紋錦為髮髻飾之以
金耳垂瑤足履索鞞俗重婦人而輕丈夫文字同於天竺
以十一月為正

又曰東女國其俗每至十月令巫者詣山中散糟麥於空

大呪呼鳥俄而有鳥如鷄飛入巫者之懷因剖腹而視之
每有一殺來歲必登若有霜雪必多災異其俗信之名爲
鳥卜其居喪服飾不改爲父母則三年不櫛沐貴人死者
或剥其皮而藏之納骨於餅中椽以金屑而埋之國王將
葬其大臣親屬殉死者數十人隋大業中蜀王秀遣使招
之拒而不受武德中女王湯傍氏始遣使貢方物高祖厚
資遣之

又曰垂拱二年東女國王劍臂遣大臣湯劍右來朝仍請
官號則天冊拜劍臂爲左玉鈐衛將軍仍以瑞錦製番服
以賜之天授三年其王俄琰兒來朝開元十九年十二月
其王趙曳夫遣子獻方物命有司宴于曲江令宰臣已下

爾宴又封曳夫爲歸昌王賜其子帛放還復以男子爲王
貞元九年七月其王湯立悉與哥隣國董臥度白狗國王
羅施忽通租國王董藐蓬多率其種落詣劍南西川內附
其哥隣等國皆散居山川弱水王即國初女國之弱水部
落地悉董國在弱水西故亦謂之弱水西悉董王舊皆分
隸邊郡祖父例授將軍中郎果毅等官自中原多故皆爲
吐蕃所役屬其部大者不過三二千戶各置縣令十數人
理之土有系絮歲輸於吐蕃至是悉與之同盟相率獻款
兼貢天寶中國家所賜官告三十九通以進西川節度使
肅臯處其衆於維霸保苛州給以種糧耕牛咸樂生業立
悉等數國自來朝召見於麟德殿官賞各有差

太平御覽卷第七百九十一

據黃氏新鈔本校

計十四頁

太平御覽卷第七百九十二

四夷部十五

西戎一

摠序西戎

上空三
下行同

媯羗

媯而
遮切

鄯善

于闐

大秦

龜茲

音丘
音茨

天竺

摠序西戎

上空四卷內同

易曰高宗伐鬼方三年克之

鬼方西
羗也

書曰西戎即敘

美禹
功也

詩曰在其板屋亂我心曲

西戎板
屋也

又曰自彼氏羗莫敢不來王

爾雅曰西至於邠國極遠之國

又曰西至日所入為太蒙即蒙也太蒙之人信

禮曰西方曰戎被髮衣皮有不粒食者矣

傳曰辛有適伊川見被髮而祭於野曰不及百年此其戎乎其禮先亡矣

又曰秦晉遷陸渾之戎於伊川

漢書曰西域以孝武時始通本三十六國其後稍分至五

十餘皆在匈奴之西鳥孫之南南北有大山中央有河東

則限以葱嶺

又曰出陽關自近者始曰姑卷姑音切而姑卷王號去胡來

王言去胡胡戎來附漢也

又曰漢武帝征和中貳師將軍李廣利以軍降匈奴帝既

悔遠征伐而搜粟都尉桑弘羊與丞相御史奏言故輪

臺以東漢捷枝渠梨皆故國也輪臺渠地名今廣饒水草

有溉田五千頃以上處溫和田美可益通溝渠種五穀與

中國同時熟田一歲有積穀募人壯健有累種敢徙者詣

田所累重謂妻也就畜積為本業懇溉田稍築列亭城而

西國帝深陳既往之悔乃下詔曰前有司奏欲益人賦三

十助邊用每口取錢三十是重困老弱孤獨也由是不復出軍而

封丞相田千秋為富人侯以明休息思富養人也

後漢書曰西羌之本出自三苗蓋羌姓之別其國近南

嶽及舜流四凶之徒三危河關之西南荒地是也濱於陽支陽
至於河首綿地千里陽支者禹貢所謂析支者也南接
蜀漢所居無常依隨木草地少五穀以產牧為業其俗人
民氏族無定或以父母姓為種號三二世後相與婚姻
父沒則妻後母兄亡則納娵嫂娵故國無鰥寡種類
繁熾不立君臣無相長一強則分種為角酋豪弱則為附
落更相抄暴以力為雄殺人償死無他有禁令其兵長在山
谷短於平地不能持久而果於觸突以戰死為吉利病終
為不祥甚耐寒苦同之禽獸雖婦人產子亦不避風雪性
堅固勇猛得西方金行之氣焉王政修則賓服德教失則
寇亂

又曰昔夏后氏太康失國四夷皆叛及后相即位乃征畎
夷七年然後來賓

又曰武乙暴虐大戎寇邊周古公踰梁山而遊於岐下及
子季歷遂伐西落鬼戎

又曰文王為西伯西有昆夷之患北有獫狁之難遂攘戎
狄西戎之國莫不賓服

又曰穆王時戎狄不貢王乃西征大戎獲其五王又得四
白鹿四白狼王遂遷戎于太原

又曰平之末自隴山以東及乎伊洛往往有戎於是渭首
狄獯音其之戎涇北有義渠之戎落川有大荔之戎渭驪
戎伊間有楊拒原皇之戎西有蠻氏之戎

又曰晉文公欲修霸業乃賂戎狄通道以扶王室秦穆公得戎人由余遂霸西戎開地千里

又曰陸渾之戎叛晉晉令荀吳滅之楚執蠻民而盡囚其民

又曰周顯王八年秦厲公滅大荔取其地趙亦滅伐戎伐戎

戎即地戎也韓魏復攻稍并伊洛陰戎滅之其遺脫者皆

逃奔西踰汗隴自是中國無戎寇

後漢書曰武帝時西域內屬有三十六國漢為置使者校

尉領護之宣帝改曰護元帝又置戊巳校尉屯田於邊師

漢官儀曰戊巳中哀平間自相分割為五十五國

又曰建武中西羌皆遣使求內屬願請護世祖以天下

初定未遑外事訖不許之

又曰明帝命將北征匈奴取俾吾俾吾地置宜禾都尉以屯

田遂通西域于闐諸國皆遣子入侍

又曰建初元年秦酒泉太守段彭大破車師於交高河城章

帝不欲疲弊中國以事夷狄乃迎還戊巳校尉不復遣護

二年復罷屯田

又曰和帝永元三年班超遂定西域因以超為都護治之

復置戊巳校尉領兵五人治車師

又曰六年班超復擊破焉耆於是五十餘國至乎海濱四

旁里外重譯貢獻

又曰九年班超緣甘英窮臨西海而還皆前世所不至山

經所未詳莫不備其風土傳其珍怪焉於是遠國蒙奇堯

皆來歸服

班固西戎論曰孝武之代圖制匈奴患其兼從西國結黨

南魏從音于乃表河西列四郡開玉門通西域以斷匈奴

右臂隔絕南羌月氏單于失援由是遠遁而慕南元王庭

因文景玄默養人丑代天下豐富財力有餘士馬強盛

故能賭犀布瑇瑁則建朱崖七郡咸感苜蓿音竹杖則開并柯

越嶲聞天馬蒲陶則通大宛安息自是之後萬里相奉師

旅之費不可勝計至於用度不足乃權酒酤莞鹽鐵鑄白

金皮音算至車船租及六畜力屈財竭音因之以凶年群盜

並起自以末年遂棄輪臺之地而下哀痛之詔豈非仁聖

之所悔哉且西域近有龍堆遠則葱嶺身熱頭痛懸度之

阨淮南狂欽楊雄之論皆以為此天地所以界別區域絕

外內也書云西戎即序禹就而序之非止威服致其貢物

也也魏徵西戎論曰自古開遠夷通絕域必音宏故之主皆起

好事之臣張騫鑿空於前班超投筆於後或結之重音或

攝之利劍投軀萬死之地以立一朝之功皆由主尚來遠

之名臣徇輕生之節是知上之所好下必有甚焉者也煬

帝規摹宏侈掩吞漢裴矩方進西域圖記以蕩其心故萬

乘親出玉門關置伊吾且未郡而關右暨於流沙騷然無

聊生矣古哲王之制方五千里務安諸夏不事要荒豈威

不能加德不能被蓋不以四夷勞中國不以無用害有用

也是以秦成五嶺漢事三邊或道殫相繼或戶口減半隋室恃其強盛亦狼狽於青海此皆一人失其道故億兆罹其毒也

說文曰羗西姑羗戎牧羊人從人牧羊

漢書曰出陽關自近者始曰姑羗國王號去胡來王去陽關千八百里去長安六千三百里西接且未隨畜逐水草不田作仰鄯善且未谷山有鉄鐵自作兵有弓矛服刀劍

劉德曰服刀拍髀也師古曰拍音猶髀又音陛

鄯善

漢書曰鄯善國本名樓蘭王治杆杆泥城輔國侯却胡侯鄯善都尉擊車師都尉右左且渠擊車師君各一人譯長二

人

又曰鄯善地以鹵少田寄田仰谷旁國也出玉多葭蒿檉

柳胡桐白草孟康曰白草草之白者胡桐似藁而多曲師古曰佗

民隨畜牧逐水草有驢馬多橐佗師古曰佗古他字也

又曰武帝遣大從票侯趙破奴將屬國騎及郡兵數萬擊姑

師虜樓蘭王破如師於是漢列亭障至玉門矣

又曰樓蘭最在東垂近漢當白龍堆乏水草常主發導引

水僭糧送迎漢使

又曰元鳳四年大將軍霍光白遣平樂監傳介子往刺其

王介子輕將勇敢士齎金幣揚言以賜外國為名既至樓

蘭詭其王欲賜之王喜與介子飲醉將其屏語壯士二人

從後刺殺之貴人左右皆散走介子告諭以王負罪天
子遣我誅王當更立王弟尉屠耆在漢者漢兵方至毋敢動
自令滅國矣介子遂斬王嘗歸首嘗歸者其王名也馳傳詣闕懸
首北關下封介子為義侯乃立尉屠耆為王更名其國焉
鄯善為刻印章賜以宮女為夫人備車騎輜重丞相將軍
百官送至橫門外橫音祖而遣之北史曰鄯善城方一里地多
沙鹵少水草地即白龍推路後魏孝文太和四年遣其弟
素迦音耆入侍

于闐

漢書曰于闐國王治西域去長安九千六百七十里闐
之西水皆西流注海其東流注澤河源出焉多玉石玉石之

後漢書曰于闐去洛陽萬一千七百里漢武帝末莎車王
負強盛攻并于闐徙其王俞林為驢歸王明帝永平中于
闐將休莫霸及莎車自立為于闐王休莫霸死子廣
德立後遂滅莎車其國轉盛

北史曰于闐國在葱嶺之北二百餘里所都城方八九里
城東三十里有首拔河中出玉石土宜五穀并桑麻山多
美玉有好馬駝驘其刑法殺人者死也

又曰于闐俗多佛法寺塔僧尼甚衆王允信尚每設齋日
必親自灑掃饋食焉城南五十里有梵摩寺即昔羅漢比
丘盧鞠為真王造覆瓮浮圖之所石上有辟支佛跣處
足跡猶存西有集摩寺云是老子化胡成佛之所

又曰于闐城東二十里有大水北流號樹枝水即黃河也
又曰後魏文獻末蠕蠕寇于闐于闐患之遣使素目伽上
表求救帝詔以遐阻不行

又曰後周武帝建德三年其王遣使獻名馬隋大業中頻
遣朝貢其王姓王字早示明門練錦金鼠冠妻戴金篋其王
髮不令人見俗言若見王髮其年必險

梁書曰武帝天監十二年王遣使獻澳羅婆步鄣十八年
獻瑠璃鬘

唐書曰其國出美玉王姓尉遲名屋密貞觀六年遣使獻
玉帶太宗優詔答之

大秦

後漢書曰大秦國一名黎鞞在海西地方數千里以石為
城郭列置郵亭堊墜之

又曰民俗力田蠶桑皆髡頭而衣文綉乘輜軒白蓋小車
出入擊鼓建旌旗幡幟

又曰王宮室皆日本精為柱食器亦然

又曰其人民皆長太平正有類中國故謂之大秦國多金
銀奇寶有夜光壁明月珠駭雞摩摩珊瑚琥珀琉璃瑯琊織
成金鏤蜀雜色綾作黃金塗火浣布

又曰會合諸香煎其汁以為蘇合以金銀為錢銀錢平當
金錢一

又曰桓帝延熹九年大秦王安敦遣使自日南徼外獻象

牙犀角瑋瑁始一通焉

又曰其國無盜賊而道多猛獅子獸語避害行旅不百餘人齎兵器輒為所食又有飛橋數百里可度海

魏畧曰其國中山九色坎玉石一曰青二曰赤三曰黃四曰白五曰黑六曰綠七曰紫八曰紅九曰紺多神龜朱鬣馬玄熊赤白黑黃青綠紺縹紅紫十種瑋瑁

通典曹國之西南漲海中可七八百里行到珊瑚淵水底有盤石珊瑚生其上大秦人常乘大船載鐵網令工没先入視之可下網乃下初生白而漸漸似菌生中歷歲許出網目間變作黃色枝條交錯高極三四尺大者圍數餘三年色乃赤好後没視之知可採便以鐵鈔發其根乃以

繫繫網使人於船上絞車舉之去其國園理載恣意所作若失時不舉便蠹敗

龜茲 龜音丘 茲音次

北史曰龜茲國在尉犁西北白山之南一百七十里王姓白即後涼呂光所立白震之後其王頭繫綵帶垂之於後坐金獅子床

又曰出細氈鏡銅鉄鉛糜皮氈毼毼沙鹽綠雄黃胡粉安息香等

又曰其國北太山中有如膏者流出成川行數里入地狀如醍醐服之髮齒已落者能令更生癩人服之皆愈唐書曰龜茲有城郭男女皆剪髮垂與項齊唯王不剪髮

以錦蒙頂者錦袍金寶帶坐獅子床有良馬封牛饒蒲萄酒

又曰貞觀四年遣使來獻馬太宗賜以璽書撫慰甚厚自此朝貢不絕

又曰貞觀二十年太宗遣左饒衛大將軍阿史那杜爾安兩都護郭孝恪率五將軍發鐵勒十三部兵以伐龜茲禽其王及大將羯獵顛等弁破其大城五所虜男女數萬口勒石紀功而旋俘其王訶黎布失畢反那利羯獵顛等獻於社廟尋以訶黎布失畢為左武翊衛中郎將那利以下授官各有差

又曰先是太宗既破龜茲移置安西都護府於其國城以郭孝恪為都護兼統于闐踈勒碎葉謂之四鎮高宗嗣立不欲廣地勞人復命有司棄龜茲等四鎮移安西依舊西州

又曰長壽元年武威軍摠管王孝傑阿史那忠節大破吐蕃克復龜茲于闐等自此復於龜茲置安西都護府用漢兵三萬人以鎮之則天時有田楊名中宗時有郭元振開元初則張孝嵩杜暹等為安西都護皆有政績為夷人所伏

天竺

後漢書曰天竺國一名身毒在月氏東南數千里卑濕暑熱其國臨大水乘象而戰修浮圖道不殺伐遂以成俗出

象犀璣瑁金銀諸香石密黑鹽等

又曰明帝夢見金人長大頃有光以問群臣或曰西方有

神名佛其形長丈六尺而黃金色帝於是遣使之天竺問

佛道法遂於中國圖畫形像焉

南史曰梁天監初王來貢獻王有螺髻於頂餘剪之穿耳

垂璫俗多徒跣衣重白色有文字或善天文算曆之術其

人皆學悉曇章書於具葉樹之

北史曰天竺國去代三萬一千五百里有伏醜城周匝十

里城中出摩尼珠珊瑚城東三百里有稽賴城城中出

黃金白真檀赤檀石密

唐書曰中天竺其都城周圍七十餘里比臨禪連河云昔

有婆羅門領徒千人肄業於樹下樹神降之遂為夫婦宮

室自然而立僮僕甚盛於是使役百神築城以統之經日

而就此後有阿育王頗行苛政置炮烙之刑謂之地獄今

城中見有迹焉

又曰武德中其國大亂其嗣王尸羅逸多練兵聚眾所向

無敵象不解鞍人不釋甲居六載而四天竺之君皆北面

以臣威勢遠振政刑甚肅貞觀十五年尸羅逸多自稱摩

伽陀王遣使朝貢太宗降璽書慰問尸羅逸多大驚問諸

國人自古有摩訶振且使人至吾國乎皆曰未之有也乃

朝拜而受詔書因遣使朝貢太宗以其地遠禮之甚厚復

遣衛尉丞李義表報使尸羅逸多遣大臣郊迎傾都邑以

縱觀焚香夾道逸多率其臣下東面拜受勅書復遣使獻大珠及爵金香菩提樹

又曰貞觀十年沙門玄奘其至其國將梵本經論六百餘部而

歸先是遣右率府長史王玄策往使天竺其四天竺王

咸遣使朝貢會中天竺王尸羅逸多死國中大亂其弟阿

羅那順篡立乃盡發胡兵以拒玄策玄策戰不敵乃拔身

宵遁走至吐蕃發精銳千二百人并至婆羅國七千餘

騎以從玄策與副使蔣師仁率二國兵進至中天竺國城

連戰三日大破之斬首三千餘級赴水溺死者具萬人阿

羅那順棄城而遁師仁進兵擒獲之虜男女萬二千人牛

馬三萬餘頭足於是天竺震懼俘阿羅那順以歸二十三

年至京師太宗大悅命有司告宗廟因謂群臣曰夫人耳

目玩於聲色口鼻耽於臭味此乃敗德之源若婆羅門不

劫掠我使人豈為俘虜邪昔中山以貪寶取弊蜀侯以金

牛致滅莫不由之拜玄策朝散大夫是時就其國得方那

羅邇其寐自言壽二百歲云有長生之術太宗深加禮待

館之於金飈門內造延年之藥令兵部尚書崔敦禮鹽主

之發使天下採諸奇藥集成竟服不效後放還本國

又曰開元八年南天竺二國遣使獻五色能言鸚鵡

異物志曰天竺大國也方三萬里佛道所由其國王治城

郭宮殿皆刻文鏤鍾鼓音樂跳丸躍劍

通典曰後魏宣武時南天竺國遣使獻駿馬云其國出獅

子獬有火齊如雲母而色紫列之則薄如蟬翼種之則如
紗縠之重番有剛金似紫石英百鍊不銷可以攻玉

前空三行

太平御覽卷第七百九十二

據黃氏新鈔本校計十頁

太平御覽卷第七百九十三
四夷部十四

西戎二

蜀賓

上空三
下行同

條支

上空三
下同

安息

大月氏

大宛

踈勒

康國

副貨

安國

烏菴

烏弼曷

渴槃陀

上空二

本和

大夏

米國

鄧至

安息

乙佛獻

伏盧尼

石國

宕昌

鏐汗

色和顯

伽色尼

白蘭

乾陀

史國

師子

穆國

奄蔡

何國

嚧噠

剽賓 上空四卷內同

漢書曰剽賓國王治脩鮮城去安南_具南二千二百里地
平溫和有首宿雜草花木檀襍_梓柏竹漆種五穀蒲_甸有金
銀銅錫_有金銀為錢又為騎馬幕_口面_{師古曰}出封_牛中水
甘象大狗沐猴孔雀珠璣珊瑚琥珀瑠璃自武帝始通
唐書曰貞觀十六年剽賓國遣使獻褥特鼠喙尖而尾赤
能食蛇有被虵螫者用輒嗅而尿之其瘡即愈

條支

漢書曰條支國臨西海暑濕田宜稻有大鳥如鸞
後漢書曰條支國城在山上周迴四十里臨西海水曲環
其南及東北二面路絕唯西北_馬通陸出獅子犀牛

安息

漢書曰安息國王治番兜城去長安萬一千六百里風氣物
類與剽賓同亦以銀為錢文獨為王面幕為夫人面王死
輒更鑄錢有大馬大爵其屬小大數百城方數千里最大
國臨_水內水商賈車船行旁國畫_章華旁行為書記_旃胡_西西
_{不直下也}武帝始遣使至安息王令將二萬騎迎於東界
至王都數千里行地過數十城民人相屬國發使隨漢使
者來觀漢地以大息鳥及卵來獻天子大悅
後漢書曰章帝章和元年安息王遣使獻獅子_行授符拔形
似麟無角也

比吏曰周武天和二年其王遣朝獻

大月氏

漢書曰大月氏國治鹽氏城去長安萬一千六百里物類
民俗與安息同出一對橐駝師古曰橐駝一對也控弦十餘萬故
強輕匈奴師古曰特其強盛也至冒頓單于攻破月氏以其
王頭為飲器月氏師古曰遠去過大宛西擊大夏而城之

北史曰大月氏北與蠕蠕接數為所侵遂西徙都薄羅城
其王寄多羅勇武遂興師越太山南侵北天竺自乾陀羅
以北五國盡屬之後魏太武時其國人商販京師自云能
得石師古曰琉璃於是採礦山中於京師鑄之既成光澤映於
西方來者乃詔為殿容百人光師古曰映徹自此中國琉璃遂

賦

異物志日月氏俗乘四輪車或八牛可容二十人玉稱
天子

大宛

漢書曰大宛國王治貴山城去長安萬二千五百五十里
以蒲師古曰橐為酒富人藏酒至萬餘石久者至數十歲不敗俗
嗜酒焉宛別邑七十餘城多善馬馬汗血言其先天馬子
也孟康曰言大宛國有高山其上有馬不可得因天子馬
取五色無馬置其下與集生駒皆汗血因號曰天子云
張騫始為武帝言之上遣使持金馬以請宛王不肯於是
天子遣二師將軍李廣利將兵伐宛連四年宛人斬其王

母寡首獻馬三千匹漢軍乃還

又曰宛王蟬封與漢約歲獻天馬足漢使采蒲師古曰橐首宿種

歸天子以天馬多益種蒲桃音首著離宮館旁極望焉

異物志云大宛馬有肉角數寸或有解人語及知舞與鼓節相

應

西域圖記曰其馬馬騮馬多白耳白馬聰馬多赤耳音馬赤馬多黑耳

踈勒

漢書曰踈勒國王治踈勒城去長安九千三百五千里長

後漢書曰耿恭為戊巳校尉引衆入踈勒城中乏水穿井

越井其水得水恭整衣服向井拜飛泉湧出賊遂退之

異物志曰踈勒國高宗末其王遣使送釋迦佛袈裟長二

丈餘廣又有餘高宗以審是佛衣應有靈異遂燒之以驗虛

寶置於猛火之上經日不燃觀者莫不悚駭心懼後每使

朝貢

隋書踈勒國都白山南百里其王字阿你厥手足皆六指

產子非六指者不育王戴金獅子冠多稻粟麻麥銅鉄銀

疇黃

唐書曰踈勒國王姓裴俗事袂神有胡書文字貞觀九年

遣使獻名馬

又曰開元六年玄宗遣使冊立其王裴安定為踈勒王

康國

隋書曰康國者康居之後遷徙無常不恒故地然自漢以

來相承不絕其本姓温月氏人也舊居祁連山北昭武城

因被匈奴所破西踰葱嶺遂有其國支庶各分王故康國
左右諸國並以昭武為姓示不忘本也王字代失畢為人
寬厚甚得衆心其妻突厥達可汗女也都於薩寶水上阿
祿連城大臣三人共掌國事其王索髮冠七寶金花衣綾
羅綿繡白疊其妻有髻幪以帛巾丈夫剪髮錦袍名為強
國而西城諸國多歸之

又曰有胡律置於祆祠決罰則取而斷之重罪者族次重
者死賊盜截足人皆深目高鼻多鬚髯善於商賈諸夷交
易多湊其國有大小鼓琵琶五絃篪篥笛婚姻喪制與突
厥同國立祖廟以六月祭之諸國皆來助祭俗奉佛為胡
書氣候溫宜五穀勤修園蔬樹木滋茂出馬駝驢封牛黃

金礪砂甘香阿薩那香瑟瑟麋皮毳毼錦疊多蒲桃富家
或致千石連年不敗大業中始遣使貢方物後遂絕焉
唐書曰康居人多嗜酒好歌舞於道路生子必以蜜納
口中以膠置掌內欲其成長口嘗其言掌持錢如膠之
粘物

又曰以十二月為歲首有婆羅門為之占星候氣以定吉
凶頗有佛法至十一月鼓舞乞寒以水相潑盛為戲樂
又曰貞觀九年遣佛貢獅子太宗嘉其遠至命秘書監虞
世南為之賦自此朝貢至十一年入獻金桃銀桃詔令植
之於苑園

又曰萬歲通天母中則天封其大首領篤婆鉢提為康國

王仍拜左驍衛將軍

又曰開元六年遣使貢獻鑠子甲水精盃馬瑙餅馳鳥卵之類

副貨

北史曰副貨國去大唐一萬七千里東至阿富汗使且國西至沒誰國中間相去一千里南有連山不知名北至阿沙國相去一千五百里國中有副貨城周匝七十里宜五穀蒲桃唯有馬馳騾國王有黃金殿下有金馳七頭各高三尺其王遣使朝貢

安國

書曰安國漢時安息國也王姓昭武氏與康國王同族字設力登妻康國王女也都在那密木南城有五里環以流水宮殿皆為平頭王坐金馳座高七八尺每聽政妻妾相對大臣二人評理國事風俗同於康國唯妻子姊妹及奶子逆相禽獸此為異也煬帝即位之後遣司隸從事杜行滿使於西域至其國得五色鹽而反西百餘里畢國可千餘家其國餘无君長安國統之大業五年遣使貢獻後遂絕焉

烏長

北史曰烏長國在餘彌南北有葱嶺南至天竺婆羅門胡為其上族婆羅門多解天文吉凶之數其王動則訪决焉土多林巢引水灌田豐稻麥事佛多諸寺塔寺極華麗人

有爭訴服之以藥曲者發狂直者不恙為法不殺犯死罪
唯徒於林山西南有檀特山山上立寺以驢數頭運食山
下無人控御自知往來

烏州曷

隋書曰烏州曷國都烏許水西舊安息之地王姓昭武亦
康國種類字佛食都城方二里勝兵數百人王座金羊
座床北去安國四里西北去穆國二百餘里東去瓜州七
千五百里大業中遣使貢方物

渴槃陀

北史曰渴槃陀國在葱嶺東朱駒婆西河經其國東北流
有高山夏積霜雪亦事佛道南於嚙噠

通典曰渴槃陀後魏時通焉亦名漢陀國亦名渴陀國理
葱嶺中在諸俱婆國西至護密國北至疏勒國其王本
疏勒人累代相承居此國有戶二千餘有懸度山在國
南四百里懸度者名山也谿谷不通以繩索相引而度
其間四百里中往有棧道因以為名今按懸度葱嶺麗
迤相屬置郵所絕道阻且長故行人由之莫能分別然法
明宋^雲所經即懸度山也又有頭痛山在國西南向蜀賓
歷大頭痛小頭痛之山皆赤土身熱之坂
宋膺異物志曰大頭痛小頭痛山皆渠搜之東疏勒之西
經之者身熱頭痛夏不可行冬則至死唯冬可行尚嘔吐
山有毒藥氣之所為冬乃拮歌故可行也

鉢和

北史曰鉢和國在渴槃陀西其土尤寒人畜同居穴地而

又有大雪山望若銀峯其人唯食餅麵飲麥酒服氈裘者

二道道一道西南向嚠噠一道西南趨烏菴亦為嚠噠

所屬

大夏

史記曰夫夏在宛西南二千餘里媯水南其俗土著有城

屋與大宛同俗無大君長往徃城邑寡小其兵畏國唐賈

民多可百餘萬及月歲氏西徙皆臣畜大夏大夏

其都曰藍市城有市販賣諸物東南有身毒國張騫曰藍

在大夏時見筇竹杖蜀布問曰安得此大夏國人曰吾賈

人往市之身毒身毒國在大夏東南可數千里

米國

隋書曰米國都那密水西舊康居之地也無王其城主姓

昭武康國王之支庶字閉拙都城方二里勝兵數百人西

北去康居百里大業中頗貢方物

鄧至

通典曰鄧至羌之別種也後魏時通焉有像舒者代為自

水酋師因地名為號稱至至其地自千亭以東平武以西

汶嶺以北若昌以南風土習俗与岩昌同魏恭帝初其

檐術因亂來奔周文帝遣兵送遠自後无聞

封甘松縣子 鄧為王至西

安息

北史曰安息國在葱嶺之西都蔚搜城西與波斯相接東
長安一萬七千五百里周武太和二年其王遣使來獻

乙佛獻

通典曰乙佛_弗獻後魏時聞焉在吐谷渾國有屈海週迴千
餘里眾有萬落風俗_吐吐谷渾同然不識五穀唯食魚子
狀若中國枸杞子或赤或黑西有契翰一部風俗亦同
土特多狼

伏盧尼

北史曰伏盧尼都伏盧尼城在波斯國北去代二萬七千
三百二十里累石為城東有大河_流中有鳥其形似人亦

有如橐駝者鳥皆有翼常居水中出水便死城北有云尼
山出銀珊瑚琉璃琥珀多獅子

石國

隋書曰石國居藥殺水都城方十餘里其王姓石名泥國
城至東南立屋_置座於中正月六日七月十五日以王父
毋燒餘之骨金甕盛之置于牀土巡庭而行散放花香雜
菓王率臣下設祭焉禮終王与夫人就別帳臣下以次列
坐_{宴而}享罷有粟麥多良馬其俗善戰曾貳於突厥射匱可汗
與兵滅之令特勤_{特勤}旬職攝其國事大業五年遣使朝貢其
後不復至

宕昌

通典曰宕昌羌後魏時與焉亦三苗之故嗣與先零燒當
等諸部姓別自立師皆有地分不相統攝宕昌即其一
也俗皆土著居有棟宇其屋織氈牛及羝羊毛覆之无
令穢賊唯征伐之時乃相屯聚不然則各事生業不相
往皆衣裘褐牧養羶牛羊豕以供其食俗有蒸報无文
字但取木榮落以記歲時三年一相聚殺牛羊以祭天
俗重虎皮以喪送死有梁勤者代為酋帥得羶毫心乃
自稱王其界自仇池以西千里席水以南八百里地多山
阜部衆二萬餘落至其孫彌忽如遣使於後魏太武帝
拜為宕昌王七葉孫彌秦皆授南北兩朝封爵後見兩
魏分隔求鼎未種人企定乃引吐谷渾寇金城後企定
寇石門後周

越帝天和聖書天將軍固恒討平之以其地為宕州

鏖汗 鏖音昔 喝切

隋書曰鏖汗國在葱嶺之西五百餘里古渠搜國也王姓
昭武穿阿漆都城方四里勝兵數千人王坐金羊床妻戴
金花多朱沙金鐵東去疏勒千里大業中遣使貢方物

色和顯

北史曰色和顯國都色和顯城在慮萬日西方北去代一
萬二千九百四十里地平多五菓

伽色尼

北史曰伽色尼國都伽色尼城在西萬斤南去代一萬二千
五百里土出鹽多五菓

白蘭

通典曰白蘭羌之別種後周時與焉東北接吐谷渾風俗物產與宕昌同周武帝保定元年朝獻使至

乾陞

北史曰乾陞國在烏菟西本名業波厭達所破因改焉好征戰與剽竄鬪三_年不罷人怨苦之有鬪象七百頭十人乘一象皆執兵仗象鼻縛刀以戰所都城東南七里有佛塔高七十丈周二百步即所謂崔離佛圖也

史國

隋書曰史國都獨莫水南十里舊康居之地也其王姓昭武字述遮亦康國王之支_也城方二里勝兵千餘俗同

康國北去康國二百四十里南去火羅五百里大業中遣使朝貢

獅子

通典曰獅子國東晉時通焉天竺旁國也西海之中延袤二千餘里多出奇寶地和適無冬夏之異五穀隨人所種不須時節其國舊無人止有鬼神有龍居之諸國商賈來共市易鬼不見其形但出_{珍寶}明其所堪價商人依價取之諸國人聞其土樂因此競至或有僦住者遂成大國能馴養獅子遂以為名風俗與婆羅門同而尤事佛法安帝_義熙初遣使獻玉佛象象高四尺二寸玉色潔潤形制殊特若非人功歷晉宋代在建康有官守之

又曰宋文帝元嘉五年其王刹利摩訶南遣使貢獻梁武帝大通元年後王迦葉伽羅訶犁而亦遣使貢獻

穆國

北史曰穆國都烏許河之西亦安息之故地與烏郗曷為隣其王姓昭武亦康國王之種類也字阿濫密都城方三里勝兵二千人東北安國五百里去波斯國四千餘里大業中遣使貢方物

奄蔡

通典曰奄蔡漢時通焉西接大秦東南二千里與康居接去陽關八千餘里控弦十餘萬土氣溫和臨大澤無涯岸多稱公白草及貂畜至漢改名阿蘭那國後魏時白粟特

國一名温那沙

何國

北史曰何國都郗密冰南數里舊是康居地也其王姓昭武亦康國王之族類都城方二里勝兵者千人其王坐金羊座東去曹國百五十里西去小女國三百里東去瓜州六千七百五十里大業中遣使貢方物

嚙噠

北史曰嚙噠國大月氏之種類也亦高車之別種其原出於塞北自金山而南在于闐之西都烏許水南二百餘里去長安一萬一百里其王都拔底延城蓋王舍城也其城方十餘里多寺塔皆飾以金寶風俗與突厥畧同兄弟共

一妻無兄弟者依其多少之數更加帽馬衣服類加以纓
絡頭皆剪髮其語與蠕高車及胡音不同象可有十萬無城
也依隨水草以羶為屋夏遷涼土冬遷暖處其王分其諸
妻各在別所相去或一二里巡歷而行每月一處冬寒之
時三月不徙王位不必傳子孫第堪者死便授之其國無
車輿多馳馬用刑嚴急偷盜無多少皆要斬盜一責十死
者富家累石為藏貧者握地而埋隨身諸物皆其置家內
人能鬪戰西域唐君于闐安息及諸小國三十許皆役屬
之號為大國

又曰後魏明帝熙平中遣末雲沙門法力持使西域求佛
經時有沙門慧生者亦與俱行正光中還慧所生經諸國不

能知其本末及山川里數蓋舉者略云

太平御覽卷第七百九十四

四夷部十五

西戎三

羗無戈

上空三

湟中月氏胡

上空三

氐

上空三

車師

上空三

高昌

上空二

吐谷渾

上空二

波斯

上空二

羗無戈

上空四卷內同

後漢書曰羗無戈爰劍者秦厲公時為秦所拘執以為奴
不知爰劍何戎之別也後得亡國而秦人追之急藏於罾
穴中得免羗人云爰劍初藏穴中秦人焚之有影象如虎
為其蔽火得以免死既出又與剗女遇於野遂成夫婦女
耻其狀被髮覆面羗人曰以為俗遂俱亡入三河間諸羗

太平御覽卷第七百九十四

四夷部十五

西戎三

羗無戈

上空三

湟中月氏胡

上空三

氐文

上空三

車師

上空三

高昌

上空二

吐谷渾

上空二

波斯

上空二

羗無戈

上空四卷內同

後漢書曰羗無戈爰劍者秦厲公時為秦所拘執以為奴
不知爰劍何戎之別也後得亡國而秦人追之急藏於
窟中得免羗人云爰劍初藏窟中秦人焚之有影象如虎
為其蔽火得以免死既出又與剽女遇於野遂成夫婦女
耻其狀被髮覆面羗人曰以為俗遂俱亡入三河間諸羗

見爰劍被焚不死惟其神其畏喜之推以為豪河湟間少
五穀多禽獸以射獵為事爰劍教之田畜遂見尊信廬落
種人依之者益衆羌人謂奴為無戈爰劍嘗為奴隸故因
名之其後世為豪也

又曰爰劍曾孫忍時秦獻公初立欲復穆公之迹兵師臨
渭首城狄伐戎忍季文邠畏秦之威將其種人部落南出
賜支河曲西數千里與衆羌絕遠不復交通其後子孫分
別名自為種任隨所之或為犂牛種越駕羌是也或為白
馬種廣漢羌是也或為參狼種武都羌是也忍及弟舞獨
留湟中並娶妻忍生九子為九種舞生十七子為十七種
羌之興盛從此起矣

又曰忍子研立時秦孝公雄強威服羌戎孝公使太子駟
率戎狄九十二國朝周顯王研豪健故羌中號其後為
研種及秦始皇時務并六國以諸侯為事兵不西行故種
人得以繁息

又曰武帝征伐四夷開地廣境北却匈奴西逐諸羌及渡
河湟築合居塞初開河西別置四郡酒泉武威通道玉門
隔絕羌胡使南北不得交聞於是鄯塞亭燧出長城外使
千里

又曰建武九年隗囂死司徒掾班彪上言今涼州部皆有
降羌羌胡被髮左衽而與漢人雜處習俗既異言語不通
數為小吏黠民所見侵奪窮忿無聊故致反叛夫蠻夷寇

亂者爲此也舊制益州部置蠻夷騎都尉幽州部置領烏桓校尉涼州部置護羌校尉皆持節領護其怨結歲時巡行問所疾苦又數遣使驛通導動靜使塞外羌夷爲吏耳目州郡因此可得警備今宜復如舊以明威防世祖從之即以牛邯爲護羌校尉

又曰燒何豪有婦人銅鉗者年百餘歲多智筭爲種人所信向皆從計策也

又曰龐參以失期敗軍抵罪以馬覽代領校尉事後遣在尚爲中郎將相林緹騎十營子第三千五百人代班雄屯三輔尚臨行懷令虞詡說尚曰使君頻奉國命討逐寇賊三州屯兵二十餘萬即棄農桑疲苦徭役而未有功效勞

費日滋若此出不免誠爲使君危之尚曰憂惶又矣不知所如詡曰兵法弱不攻強走不逐飛自然之勢今虜皆馬騎日行數百里來如風雨去如絕絃以步追之勢不相及所以曠而無功也爲使君計者莫如罷諸郡兵各令出錢數千二人共市一馬如此可捨甲冑馳輕兵以萬騎之衆逐數千之衆追尾掩截其道自窮便民利事大功立矣尚大喜即上言用其計乃遣輕騎鈔杜季貢於丁奚城斬首四百餘級獲牛馬羊數千頭

又曰順帝永建元年隴西種羌反叛校尉馬賢將七千餘人擊之戰於臨洮斬首千餘級皆率種人降進封賢都鄉侯自是涼州無事至四年尚書僕射虞詡上疏曰臣聞

子孫以奉祖為孝君上以安民為明此高宗周宣少以上
 配湯武也禹貢雍州之域厥田惟上且沃也野千里穀稼充
 積又有龜茲鹽池以為民利上郡龜茲縣有鹽池也水草豐美
 土宜產牧牛馬銜尾群羊塞道北阻山河乘阨據險因渠
 以溉水春河漕水確也用功省而軍糧饒足故孝武皇
 帝及世祖築朔方西河置上郡皆為此也而遭元元無妄
 之災眾羗內瀆郡縣兵荒二十餘年棄沃壤之饒損自然
 之財不可謂利離河山之阻守無險之處難以為固今三
 郡未復園陵單外園陵謂長安諸園陵也單外謂無守園陵也而公卿選儒容頭
 過身張解設難但計所費不圖其安宜開聖聽考從所長
 書奏帝乃復二郡使謁者郭璜督從者各歸舊縣結城郭

置厰厰而激河浚渠為屯田省內郡費歲一億計遂令安
 定北地上郡及隴西金城常儲谷粟令周數年

又曰順帝永和四年以宋機為并州刺史劉康為涼州刺
 使使當之職大將軍梁商謂機等曰戎狄荒服蠻夷要服言其荒忽

無常而統領之道亦無常法臨事制宜略依其俗今二君

素性疾惡欲分百明黑孔子曰人而不仁疾之如甚亂也

況戎狄乎其務要羗胡防其大惡忍其小過機等天性虐

刻遂不能從到州之日多所擾發五年夏雜種羗等遂反

叛攻金城與西塞及隍中雜種羗大寇三輔殺害長吏機

康並坐徵

又曰自爰劍後子孫支分凡百五十種其九種在賜支河

齊書曰氏楊氏與符氏同出洛陽漢後氏居仇池地號百頃建安中有百頃氏王是也

又曰仇池四方壁立自然有樓櫓却敵壯高並數丈有二十二道可舉緣而升東西二門盤道可七里上有岡阜泉源氏上平地立宮室菓園食庫無貴賤皆為板屋土墻所治處名落谷

又曰宋文帝元嘉中龍驤將軍裴方明等伐氏尅仇池十九通典曰氏者西戎之別種在廣漢西君長數十而白馬最大或號青氏或號白氏或稱此蓋中國人即其服色而名之也土地險阻有麻銅漆蜜椒蠟等勇戇抵冒貪貨死利居於河地也一名仇池方百頃四面斗絕數為邊寇郡

縣討之則依固自守其俗語不與中國及羌胡同各自為姓如中國之姓其服尚青俗能織布善種田畜羊逐馬牛婚六禮知書疏多知中國之語言

又曰漢武元封三年氏人反遣兵討破之分徙酒泉郡元鳳初復叛遣大鴻臚田廣明討破之

又曰魏武之初諸氏戎叛及令夏侯妙才討之因徙武都之種於秦川以御蜀虜

風俗通曰氏言抵冒貪饕至死好利樂在山谿本西南夷之別種號曰白馬孝武帝遣中郎將郭昌等引兵征之降服以為武都郡

晉華陰令江統使戎論曰春秋之義內諸夏而外夷狄以

其言論不通贅幣不同法俗詭異種類乖殊或居絕域之外山河之表崎嶇險阻之地與中國壅斷土隔不相侵涉賦役不及正朔不加故曰天子有道守在四夷又曰匈奴求守邊塞而侯應陳其不可單于屈膝未央蕭望之議以不臣是以有道之君不攻夷狄也

車師

北史曰車師國一名前部其王居高河城後魏太武真君十一年車師王車夷落遣使進薛直言上書曰臣臣僻處塞外仰慕天子威德遣使奉獻不空於歲天子降念賜遣甚厚及臣繼立不闕常貢天子垂矜亦不異前世敢緣至恩輒陳私懇臣國自無諱不得所攻擊乃經今捌歲人庶飢荒無以存活賊今攻臣急甚不能自全遂捨國東奔二分免二即日已到焉者東界思歸天闕幸垂賑救於是下詔撫慰之開焉者倉給之正平初遣子入侍自後每使朝貢

高昌

北史曰高昌者車師前王之故地東西二百里南北五百里四面多大山以其地勢高敞人庶昌盛因名高昌亦云其地有漢時高昌壘故以為國號東去長安四千九百里漢西域長史及戊巳校尉並居於此晉以其地為高昌郡張軌呂光沮渠蒙遜據河西皆置太守以統之

又曰其國有八城多磧石氣候溫暖厥土良沃穀麥一歲再熟宜蠶多五菓有草名羊刺其上生蜜而味佳出赤鹽

其味美復有白鹽其形如玉高昌人取以為枕貢之中國

又曰後魏文帝和平六年高昌人立麴嘉為王嘉字靈鳳金城榆中人造使獻珠象白黑貂裘名馬鹽枕等宣武延昌中以嘉為持節平西將軍瓜州刺史

又曰後魏孝明熙平中遣使朝貢獻詔曰卿地隔關山境接荒漠頻請朝接徙國內遷雖來誠可嘉於理未協何者彼之吐庶是漢魏遺黎自晉氏不綱因難播越成家立國積之已久惡徙重遷人懷戀舊今若動之恐異同之變爰在肘腋不得便如來表也

又曰後魏孝明正光元年遣使奉表自以邊遐不習典誥

者借五經諸史并請國子助教劉燮以為博士明帝許之又曰其國至隋城周迴一千八百四十步於坐宣畫像哀公問政於孔子之像

又曰服飾丈夫從胡法婦人裙襦頭上作髻文字亦同華夏兼用胡書語有毛詩論語孝經置學官弟子以相教授雖習讀之而皆為胡語賦稅則計田輸銀錢無者輸布

又曰隋大業四年遣使貢獻帝待其使甚厚明年伯雅來伯雅高昌國王名也因從擊高麗還宗室女華容公主八年冬歸

蕃下令國中曰先者以國邊荒境被髮左衽今大隋統先宇宙平一孤既沐浴和風庶均大化其庶人以上皆宜解辮削衽帝聞而善之下詔曰光祿大夫并國公高昌王伯雅

本自諸華世在西壤昔因多難剪為胡服自我皇隋平一
宇宙伯雅踰重阻奉貢來庭削衽曳裾變夷從夏可賜衣
冠仍頒製造之式

唐書曰高昌有草名白疊其實類罽國人所採之織以為布
又曰武德七年其王文泰又獻狗雌雄各一高六寸長尺
餘性甚慧云本出拂國中國有拂蒜狗自此始也

又曰太宗嗣位復貢玄狐裘因賜其妻宇文氏花釵一具
宇文氏復貢玉盤也

又曰貞觀四年冬宇文氏請預宗親詔賜姓李氏封長樂
公主書慰諭之

又曰貞觀十三年文泰稱疾不朝太宗命侯君集為交河
道大撫管率左屯衛大將軍薛萬均及突厥契苾之衆步
騎數萬衆以擊之攻拔其城虜男女千餘口文泰惶懼病
死子智盛同立出城降君集先是其國童謠云高昌兵馬
如霜雪漢家兵馬如日月日月照霜雪迴首自消滅文泰
使人捕其初唱者不能得君集尋遣使告捷太宗大悅宴
百寮班賜各有差同四赦高昌部內欲以高昌為州縣特佳
魏徵諫以為不便太宗不從遂以其地置西州又置安西
都護府番以鎮之

吐谷渾

後魏書曰吐谷渾慕容氏者本遼西鮮卑徙河陟歸有二
子長曰吐渾少曰若洛廐代統部落別為慕容氏渾與洛

寇一部馬鬪相傷洛寇怒謂渾曰何不分部令相遠渾曰馬是畜耳而何怒及求別甚易今當去汝萬里之外虜悔謝雷之渾曰先公之世卜筮當有二子高福並留子孫我是卑庶理無並大令以馬致隔天所啓也試驢馬令東若還我當有暗即命擁馬皆悲鳴西走遂西渡隴止于甘松之南虜追悔之作吐谷渾河干歌徒何以况爲河干也遂依水草廬帳而居以肉酪爲糧渾死其後以吐谷渾爲氏又曰對立自號沙州刺史部內有黃沙周迴數百里不生草木因號沙洲

梁書曰武帝天監十三年其上休運等遣使獻金裝馬腦鍾二口又表於益州立九層佛寺詔書許馬十五年又遣

使獻赤舞龍駒及方物

隋書曰其王以皂爲帽妻戴金花其器械衣服畧與中國同其王公貴人多戴帟_羅離婦人裙襦髮綴以珠其國無常稅殺人及盜馬者死餘坐則徵物贖罪風俗頗同突厥有大麥粟豆青海周迴千餘里中有小山其俗至冬輒放牝馬於其上得龍種吐谷渾嘗得波斯草馬放入海因驄駒能日行千里故時稱青海驄馬又曰開皇十六年以荒化公主妻吐谷渾王伏允上表欲稱公主爲天后上不許

唐書曰隋煬帝時其王伏允來犯塞煬帝親撻六軍以討之伏允以數千騎潛於泥嶺而遁其仙頭王率男女十餘

萬口來降煬帝立其質子順為王送之本國

又曰貞觀九年請詔特進李靖為西海道大總管時伏乞太子

順欲因此立功由是遂降乃詔曰吐谷渾擅相君長竊據

荒裔志在凶德政出權門首渠携一種落怨憤長惡不

悛野心彌熾莫顧蕃臣之禮曾無事上之節集僭竊疆場

虔劉兆庶積惡既稔天亡有徵朕君臨四海會含有萬類一

物失所責深在予所以爰命六軍申茲九伐義存活國情

非黷武其子大寧王慕容順隋氏之甥志懷明悟長自中

土幸慕華風爰見時機深識逆順以其復諫違還獨陷逆

途遂誅邪臣存茲大計翻然改轍伐父歸罪忠孝之美深

有可嘉子能立功足以補過既往之釁特宜原免然其建

國西鄙已歷年代既從廢絕情所未忍繼其宗祀允歸令

嗣可封順為西平郡王仍授起九物切胡呂為甘豆可汗

又曰吐谷渾自晉永嘉之末始西度洮水建國於郡羗之

故地至龍朔三年為吐蕃所滅

波斯

北史曰波斯國都宿利城在扭密西古條支國也去代二

萬四千二百二十八里城方十里戶十餘萬河經其城

中南流土地平坦出金鑰石珊瑚琥珀車渠瑪瑙多大真

珠類玻璃瑠璃水精琴瑟金剛火齊鑛鐵銅錫朱砂水銀綾

綿疊毼氍毹卷赤麀皮及罽金蘇合青等香胡椒畢撥石

密千年棗香附子訶黎勒無食子鹽綠雄黃等風物氣

候暑熱以藏水地多沙磧引水溉灌其五穀及鳥獸等與
中夏略同唯無稻及黍稷土出名馬大驢及駝往往有一
日能行七百里富室至有數千頭又出白象獅子大鳥郭
形如橐駝有兩翼飛而不能高食草與肉亦能啖其
王姓波氏名斯坐金羊牀戴金花冠衣錦袍織成被飾以
珍珠寶物其俗丈夫剪髮戴白皮帽貫頭衫亦有巾帔綠
以織成錦婦女之服飾以金銀仍貫五色珠絡之於膊王
其國內別有小牙十餘所猶中國之離宮也每年四月出
遊處之十月乃還王即位以後擇諸子內賢者密書其名
封之於庫諸子及大臣皆莫之知也王死衆乃共發書瑤
之其封內有名者即立以為王餘子出各就邊任兄弟更
不相見也國人號王曰贊妃曰防共率王諸子曰殺也

又曰其刑法重罪懸諸竿上射殺之次則繫獄新王立乃
釋之賦稅則准地輸銀錢

又曰其俗以六月為歲首尤重七月七日十一月其
日人庶以上各相命召設會作樂

又曰後魏孝明神龜中其國遣使上書貢物云大國天子
天之所生願日出處常為漢中天子波斯國王居和多千
萬禮拜朝廷嘉納自此每四朝獻

唐書曰波斯伊嗣侯遣使獻一獸名活褥地形類鼠而色
青身長八九寸能入穴取鼠

又曰龍朔元年詔遣隴州南田縣令王名遠充使西城分

置州縣因列其地疾陵城為波斯都督府授其王卑路斯
為都督是後數遣使貢獻咸亨中卑路斯自來入朝高宗
甚加恩賜拜右武衛將軍儀鳳三年令吏部侍郎裴行儉
將兵冊送卑路斯還為波斯王行發以其路遠至安西碎
葉而還卑路斯獨返不得入其國漸為大食所侵客於吐
火羅國二十餘年有部落數千人後漸離散至景龍二
年又來入朝拜為左威衛將軍無何病卒其國遂滅而
部衆猶存自開元七年至天寶六載凡十遣使來朝并獻
馬腦床九年四月戰天毛繡舞筵無孔真珠等

太平御覽卷第七百九十四

據漢書新抄本校計十一頁

太平御覽卷第七百九十五

四夷部十六

西戎四

烏孫

党項

拂菻

大食

悅般

焉耆

吐火羅

烏孫

史記曰烏孫在大宛東北可二千里行國隨畜牧有奴

同俗

漢書曰烏孫國多馬富人至四五千疋民貪狼无信多寇

盜最爲強國

北史曰烏孫居赤谷城在龜茲西北去代一萬八百里其國數為蠕蠕所侵西徙葱嶺山中無城郭隨畜牧水草

後魏太延中遣使者董琬等使其國後每來朝貢

通典曰烏孫漢時國號大昆彌理赤谷城烏孫於西形其

其國青眼赤髮蒲喉者本其去長安八千九百里內地

五千里莽平多雨寒山多松楠不田作種樹隨畜逐水草

與匈奴同俗

又曰烏孫昆莫彌皆王號也故烏孫國有塞種大月氏種

始張騫言烏孫本與大月氏共在燉煌間今烏孫強大可

厚賂招令東居故地妻以公主以制匈奴武帝即位令騫

齎金幣往賜昆莫於是使使獻馬願尚公主封中遣江都

王建女細君為公主以妻焉高孫公主別理宮室居歲時一獸

與昆莫會置酒飲食昆莫年老語言不通公主悲愁作自

歌曰吾家嫁我兮各天一方遠託異國兮烏孫王穹廬為

室兮氊為墻以肉為食兮酪為漿天子聞而矜憐之

又曰宣帝時都護鄭吉請分烏孫為大昆彌後段會宗為

都護時為烏孫兵圍騎上書願發城郭燉煌以自救丞相

王商大將軍王鳳及百寮議數日不決上召陳湯問對曰

臣以為此必無可憂夫胡兵五而當漢兵一刃扎鈍弓弩

不利今聞頗得漢工然而由三當一又兵法曰客倍而主

人半然後料敵今烏孫人衆不足以勝會宗惟陛下勿憂

太平御覽 卷一百一十五

且兵輕行五十里重行三十里今會宗發城郭燉煌兵歷時而至所謂報讎之兵非救急之用也烏孫瓦合不能久攻不過五日當有吉語聞居四日軍書至言已解

悅般 上空四卷內同

北史曰悅般國在烏孫西北去代一萬九百三十里其先匈奴北單于之部落也為漢車騎將軍竇憲所逐北單于度金微山西走康居其羸弱不能去者住龜茲北地方數千里衆可二十餘萬凉州人猶謂之單于王其風俗言語與高昌同而其人清潔於胡俗剪髮齊眉以醃醃塗之是然光澤日三澡漱然後飲食其國南界有大山出傍石皆焦鎔流地數十里乃疑堅人取以為藥即是流黃也

鏡本作誰我將我入此

與蠕蠕結好其王將數千人入蠕蠕國欲與大檀相見入界北百餘里見其婦人不浣衣不紉髮不洗手婦人口舐器物王謂其從臣曰汝曹將我入此狗國中乃馳還大檀遣騎追之不及自是相仇讎數相征討後魏大武真君九年遣使朝獻并送幻人稱能割人候脉令斷擊人頭令骨陷皆血出數升或盈斗以草藥內其口中令嚼嚥之須臾血止養瘡一月復常又無痕癩世疑其虛乃取死囚試之皆驗云中國諸名山亦皆有此草乃使人受其術而厚遇之又言其國有大術者蠕蠕凍死者漂亡者十二三是歲甫遣使朝貢永興官軍東西齊契討蠕蠕大武嘉其意命中外諸軍戒嚴以淮南王為前鋒襲蠕蠕仍詔有司以其

鏡本術者下有來抄掠人能作霖雨盲風大雪及行字

歌儻之節施於樂府自後每使朝貢

迷密

北史曰迷密國都迷密城在者至拔西去代萬二千一百里後魏正平元年遣使獻一峯黑橐駝其國有山名都悉滿山出金多鐵

党項

隋書党項羌者三苗之後也其種有名昌曰狼皆自稱獼猴種東接臨洮西平西接葉護南北數千里處山谷間每姓別為部落大者五千餘騎小者千餘騎織毳牛尾及粘毳羊毛以為屋服裘褐被氍毹以為上飾俗尚武力無法令各為生業有戰則相止聚無徭賦不相往來牧養羴牛

羊猪以為供養不知稼穡無文字但推草木以記歲時三年一聚會飲牛羊以祭天人年八十以上死者以為令終親戚不哭也而死者則云天在其悲哭之有琵琶橫吹擊缶為節

唐書曰党項羌在古拆友之地漢西羌之別種也魏晉之

後西羌微弱或臣中國或竄山野自周氏滅宕昌鄧至之後党項始強其界東至松州西接葉護南維蘇桑迷桑等羗山連吐谷渾處山谷間延亘三千里其種每姓別為

部落一姓之中復為小部落大者萬騎小者千騎不相統

一有細封氏費德氏頗超氏野辭氏米擒氏拓拔氏取為

強族俗皆土著居有棟梁其屋織穉毛及羊毛覆之每年

一君俗尚武無法令賦役其人多壽年至百五六十歲不
 事產業好為盜互相凌劫尤重復讎若讎人未得必蓬頭
 垢面跣足蔬食要斬讎人而後復常男女並衣喪_喪仍披
 大氊養驢羊以供其食不知耕稼土無五穀氣候多風寒
 五月草始生八月霜雪降日求大麥於他界醞以為酒妻
 其_後母及伯叔母嫂子弟之婦淫穢蒸報諸夷中最為其
 自_周及隋或叛或朝常為邊患貞觀三年南會州都督_督疑
 元壽遣使招諭其酋長細封步賴舉部內附太宗降璽書
 慰_之步賴因即來朝晏賜甚厚列其地為執州拜步賴
 為刺史仍請率所封_部酋長_吐谷渾其後諸姓酋長相次率部落
 皆來內屬請同編戶太宗厚加撫慰列其地為_居啞巖_居達四

觀本唱作嗚字
有奉字

州拜各其首領為刺史

又曰有黑党項在於赤水之西李靖之擊吐谷渾也渾生
 伏允奔于黑党項居以空閑之地及吐谷渾舉國內屬黑
 党項酋長號_守敦善王因貢方物又有雪山之下及白狗_春
 乘白蘭等諸羌

焉者

北史曰焉耆國在車師用都員渠城白山南七十里漢特
 舊國也去代一萬二百里其王姓龍名鳩尸畢部即煎涼
 張軌所討龍廐之嗣所都城方二里國內凡有九城國小
 人貧無綱紀法令

又曰其丈夫剪髮以也首飾文字與婆羅門同俗事天神

并宗信佛法尤重二月八日四月八日是日也其國咸依釋教齋戒行道焉

又曰其國養蠶不以爲絲唯乞綿績俗尚蒲桃酒兼愛

樂商去海十餘里有魚鹽蒲葦又申魏太武時之語成周也鳩尸卑

船身率四五萬人出城守險以距度歸募壯勇勁兵直往

衝鳩尸卑抄作船以四五船衆潰進屠其城西鄙譖戎皆來降服舊其珍

奇異既殊方譎詭難識之物百萬其時太武垂華陰山北宮

度歸破焉後者露板至帝省訖賜司徒

崔浩書曰萬度歸以五千騎經萬餘里拔焉者三城獲其

珍奇異物及諸委積不可勝數自古帝王雖云西戎即序

有妃指注不能控引也朕今手把而有之如何浩上書爾

美

隋書曰焉其國俗奉佛書類婆羅門婚姻之禮有同華夏

男子剪髮有魚鹽蒲葦之利

唐書曰焉其在京師西七千三百里其地良沃貞觀六年

其王突騎支遣使貢方物復請開大積路以便行李太宗

許之自隋末離亂積路遂閉西域朝貢者皆由高昌及是

高昌大怒遂與焉其結怨遣兵襲焉者大掠而去

又曰貞觀十四年侯君集討高昌遣使與之相結焉者王

大喜請爲聲援乃破高昌其王請詣軍門稱結焉人先爲

高昌所虜者悉歸之由是遣使謝恩并貢方物

小月氏

又曰下月行歸來攻焉者抄本作歸討三字

比史曰小月氏國都富樓沙城其王本大月氏王寄多羅子也寄多羅為匈奴所逐西徙後令其子守此城國號小月氏被服頗與羌同其俗以金錢為貨

又曰其城東十里有佛塔周三百五十步高八十丈自佛塔初建計至後魏武定八年凡百四十二年所謂百丈佛圖也

拂菻

唐書曰拂菻國一名大秦在西海之上東南與波斯接地方萬餘里列城四百邑連屬其宮與柱枕多以水精琉璃為之有貴臣十二人共理國政常使一人將囊隨王車百姓有事即以書投囊中還官省發理其枉直其王無

常入簡賢者而立之國中災異及風雨不時輒廢而更立

王冠形如鳥舉翼冠及纓結皆綴以珠寶著錦繡衣前不

開襟坐金花床有一鳥似鵝其毛綠色常在王邊倚枕上

塵每進食有毒其鳥輒鳴其都城疊石為之尤絕高峻

凡有十萬餘戶南臨大海城東面有一大門其高二十餘

丈自上及下飾以黃金光輝炤爛連曜數百里自外至王

室凡大門三重列異寶雕飾第二門之樓門中懸一大金

秤以金九十二枚屬於衡端以候日之十一時馬為其

大如人立於側每至一時其金丸輒落鏗然後發聲引唱

以紀日時毫釐無失其殿以瑟琴為柱黃金為地象牙為

門扇香木為棟樑其俗無瓦擣白石為末羅之塗屋上其

堅密光潤透如玉石至於盛暑之節人厭暑熱乃引水潛流
上遍於屋宇機制巧密人莫之知觀者唯聞屋上泉鳴俄
見他四簷飛溜懸波如瀑布激氣成涼風其巧妙如此風
俗男子剪髮披被較而右袒婦人不開衿錦為頭巾家資滿
億封以上位有羊羔生於土中其國人候其欲萌乃築塋
以院之防外獸所食也然其臍與地連割之則死唯人著
甲走馬及擊鼓以駭之其羔驚鳴而騰逐水草俗皆身繡衣
乘輜輶白蓋小車出入擊鼓建旌旄幡幟土多金銀奇寶
有夜光壁明月珠駭鷄犀大真珠車渠瑪腦孔雀翠珊瑚
琥珀凡西域諸珍異多出其國
又曰貞觀十七年佛赫王波多日遣使獻赤玻璃綠玻璃王

石綠金銀等物太宗降璽書各慰賜以綾綺
又曰開元七年正月其王遣吐火羅大首領獻師子不數
月又遣大德僧來朝貢

吐火羅

北史曰吐火羅國都葱嶺西五百里抱恒且雜居都城方
二里勝兵十萬人皆善戰其俗奉佛兄弟同一妻送寢焉
每一人入房外掛其衣以為志生子屬其長兄其山穴中
有神焉每歲牧牝馬於穴所必產老駒隋大業中遣使朝貢
通典曰高宗永徽初遣使獻大鳥高七尺其色玄足如駝
鼓翼而行日三百里能斂錢夷謂之馳鳥
又曰龍朔元年吐火羅置州縣使五名遠進西城圖記并

請于圖以西波斯以東十六國分置都督府及州八十縣
二百軍府百二十六仍於其國立碑以紀聖德帝從之

泥婆羅

唐書曰泥婆羅在吐蕃西其俗剪髮與眉齊穿耳植以竹
筒牛角剪緩至肩者以為姣麗食用手無匙筋其器皆銅多
商賈少田作以銅為錢背文為馬牛不穿孔衣服以一幅
布蔽身日數盥漱以被為屋壁皆雕畫俗重博戲好吹蠶
擊鼓頗解推測盈虛兼通歷術事五天神神生為像每
日清水浴神烹羊而祭其王船陵提婆身著真珠玻璃車
渠珊瑚琥珀纓絡耳乘金鉤玉璫佩寶裝服飾坐師子床
其室內散花香大臣及諸左右並坐於地持兵數百列侍

其側宮中有七層之樓覆以銅瓦欄檻楹楹皆飾珠不樓
之四角各懸銅槽下有金龍趨激水上樓注於槽中從龍口
而出狀若飛泉

又曰貞觀中衛尉丞李義表往使天竺塗經其國船陵提
婆見之大喜與義表同出觀何者婆多池週迴二十餘步
水常拂浦雖流潦暴集樂石焦金來賞者咸以物投之即
生煙焰懸釜而炊須臾而熟

大食

唐書曰大食國本在波斯之西大業中有波斯胡人牧馳
於其紛摩地那之山忽有師子人語謂之曰此山西有三
穴也中有大兵器汝可取之穴中并有異石白文讀之使

作王位胡人依言果見穴中有石及稍刃甚多上有文教
其反叛於是糾合亡命渡當曷水劫奪商旅其衆漸盛遂
割據波斯西境自立為王永徽二年始遣使朝貢其王姓
大極音氏名敢密莫末音賦音自云有國已三十四年歷三主矣
其國男夫黑色多鬚鼻大而長卽婆羅門婦女白皙亦有
文字出駝馬大於諸國兵刃勁利其俗勇於戰鬪好事天
神土多沙石不堪耕種唯食駝馬等肉國西隣於大海其
王移穴中異石寶之於圖

又曰其王常遣人乘船將衣糧入海經八年而未極西岸
海中見一石石上有樹幹赤葉青樹上總生小兒長六七
寸見人皆笑動其手脚頭着樹枝其使摘取一枝小兒便

使收在大極王宮

又曰龍朔中滅波斯拂菻其國始有米麵之屬又將兵南
侵婆羅門吞併諸胡勝兵四千餘虜長安中遣使獻良馬
景雲二年又獻方物開元初遣使來朝及進馬弁寶鈿帶
等方物其使謁見唯平立不拜憲司欲糾之中書令張說
奏曰大食殊俗遠來慕義不可宣罪上特許之尋又遣使
朝獻自云在本國雖拜天神雖見王亦無致拜之法所司
屢詰責之其使遂請依漢法致拜

杜還經行記曰一名亞俱羅其大食王號慕門都其女環
傭長大衣裳鮮潔容止閑麗女子出必擁面無問貴賤一
日午時禮天食肉作齋以殺牲為功德繫銀束佩銀刀斷

飲酒禁音樂人相爭者不至致毆擊

又曰其菓有遍桃千年棗其菓蔓青根大如斗而圓味甚美
蒲桃大者如鷄卵

前空六行

太平御覽卷第七百九十五

據黃本新鈔本校計十頁

太平御覽卷第七百九十六

四夷部十七

西戎五

一莎車

波知

果弋

一悉居半

越底延

波路

一三童

蒲山

劫國

一獠

丁令

且彌

一陀羅伊羅

賒彌

澤散

一女國

呼得

曹國

一漕國

何國

短人

一小人

軒渠

温宿

朱俱波

尉頭

滑國

姑默

叠伏羅

阿鈞羗

葱茈羗

莎車

下同此空田

漢書曰莎車王治莎車城去長安九千九百五十里有鐵山出青玉

又曰宣帝時烏孫公主小子萬年莎車王愛之莎車王無子死時萬年在漢莎車國人計欲自託於漢又欲得公孫心即上書請萬年為莎車王漢許之遣使者奚充國送萬年萬年王暴惡國人不說莎車王弟呼屠微殺萬年并漢使者自立為王的諸國背漢會衛侯馮奉世使送大宛

乾本作凡使者利以奉世為比爭逐發兵皆欲要功云云與此抄本刻本均不同疑依本書校改

客即以便宜發諸國兵擊殺之更立他昆弟子為莎車王又曰馮奉世至宛宛聞其斬莎車王禮之異於他使得其名馬象龍而還帝甚悅下議封奉世關內侯少府蕭望之以奉世矯制發諸國兵雖有功效不可以為後代法事即封奉世凡使者皆欲要功萬里之外為國家生事於夷狄漸不可長不宜授封帝善其議以奉世為光祿大夫

波知

比史曰波知國在鉢和西南土狹人貧依託山谷其王不能撻攝有大池傳曰大者有龍王次者有龍婦小者有龍子行人經之設祭乃得過不祭多值風雪之困

栗弋

通典曰栗弋後魏通焉在慈嶺四大國一名栗特一名指
夢出名馬牛羊珍菓蒲萄酒其上地水美故也有大禾高
丈餘子如胡豆在安息北五千里附庸小國四百餘城太
武帝時遣使朝貢

悉居半

比史曰悉居半國故西夜國也一名字音合其王号號子治
呼捷在干闥西去代葛二千九百七十里後魏大延初遣
使來獻自後不絕

越底延

通典曰越底延國隋時聞焉治辛豆河北西北去餘爾國
千餘里東北至瓜州五千四百里其婆羅門種類戶數蕩

餘有弓矢刀稍皮甲國法不殺人重罪流輕者杖國無課
稅其俗事佛王及庶人剪髮衣錦袍不開縫貧者自疊婦
人為髻衣裙衫披長巾俗清潔氣候温多稻有羊馬牛踰

石訶梨勒

石密鹿皮
細疊等

波路

北史曰波路國在阿鈎羗西北去代一萬三千九百里
其地濕熱有蜀馬上平物產國俗與阿鈎羗同

三童

通典曰三童在軒渠國西南千里人皆眼有三睛珠或有
四舌者能為一種聲亦能俱語當貨多用犀象作金弊率
效國王之面亦效王后之面若丈夫容易則用國王之面

者王死與更鑄

蒲山

北史曰蒲山國故皮山國也居皮城在于闐南去代一萬二千里其國西南二里有壞坡山後役屬于闐

劫國

通典曰劫國隋時聞焉在葱嶺東南西與餘彌國界接西北至巴恒國去長安萬二千里有戶數萬氣候熱有稻麥粟豆羊馬出路沙青黛婚姻同突厥死亡葬於山穀

又曰大唐武德二年遣使貢寶帶金鎖頗梨水精盃各一

獠

魏書曰獠之初也出自梁益之間種類甚多散居山穀畧無氏族之別依樹積木以居其上名曰千蘭大小隨其家之人数往往推一長者為王父死則子繼若中國之黨族也獠毛各有鼓角一雙使其子弟自吹擊之好相殺害多仇怨不敢遠行性同禽獸至于忿怒父子不相避唯于有兵刃者先殺之若殺其父走避于外來得以狗謝其母然後敢歸母得狗謝不復嫌恨若報死相攻擊必殺而食之平常劫掠責取猪而巳親戚比隣指授相賣亡兒女哭歡便不復追思唯執戟持矛不識弓矢用竹為等群聚鼓之以為音為細布色鮮爭大狗一頭冥一生口其俗畏鬼尤尚淫祀所殺之人美鬚髯者剥其面皮籠之於竹及燥號

曰鬼鼓無不祀之以求福也

北史曰獠者畫南蠻之別種自漢中達于邛笮川洞之間所在皆有種類甚多所生男女無名字唯以長幼次第呼之丈夫稱阿暮阿良婦人阿夷阿等之類皆語之次第稱謂也鑄銅為器大口寬

腹名曰銅鑿既薄且輕易王熟食建國中李勢在蜀諸獠始出也西渠川廣漢陽安資中攻破林檎郡縣為益州大患自桓温破蜀之後蜀人東流山險之地多空獠遂掩山傍穀與夏人參居者頗輸租賦在深山者為編戶梁益歲伐獠州公私頗藉為利正始中夏侯道遷舉漢中內附宣武遣尚書邢蜜為梁益二州刺史以鎮之近夏人者安堵樂業在山

裨潤

谷者不敢為寇其後朝廷以梁益二州控攝嶮遠方在巴州以統諸獠後以亡會嚴始欣為刺史又立隆城鎮所統獠二十萬戶及周文平梁益令所在撫慰然天性暴亂旋致擾動每歲隨近州鎮出兵討之獲其生口以京賤隸謂之為厭獠焉

永昌郡傳曰獠民喜食人以為至珍美不自食其種類也怨仇乃相害食耳能水中潛行數十里能水底持刀刺捕取魚其人以口嚼食並鼻飲水死人有棺其葬取棺埋之

丁令 丁音顛 令音連

後魏書曰丁令在康居北勝兵六萬人隨畜牧依土處出



原件短缺

貂鼠皮軍子皮西南去康居界二千里

又曰丁令比有馬臘國其人音聲似鴈鶩從膝以上至頭人也膝以下生毛馬臘馬蹄走疾於馬勇健敢戰

且彌

北史曰且彌國都天山東臨於大谷在車師北去代一萬五百七十里本役屬車師

陁羅伊羅

通典曰陁羅伊羅國隋時烏在烏蔡國北大雪山坡上緣梯登山接七百梯方到其國

餘彌

北史曰餘彌國在波知之南山居不信佛法專事諸神亦

嘍嘍東有鉢盧勒國路峻緣鐵鎖而度下不見底後魏

熙平中宋雲等然使不能達

澤散

通典曰澤散國魏時聞焉屬大秦其治在海中央最與安息城數相近西南諸大秦不知里數

女國

北史曰女國在葱嶺南其國也世以爲王姓蘇毗字末羯在位二十年女王天號曰金聚不知政事國內丈夫唯以征伐爲務山上爲城方六里人有萬家王居九層之樓侍女數百人五日一聽朝復有小女王共知國政其俗婦人輕丈夫而姓不妬忌男女皆以彩色塗面而日中或數度變

改之皆務髮以皮為鞋課稅無常氣候多寒以射獵為業
出輸石珠砂麝香犛牛驄馬猶多鹽恒將鹽向天祝
與販其利數倍亦數與夫竺^地項戰爭其女已死國中厚
歛金錢求死者族之中賢女二人一為女王次為小王
貴人死亦皮以金膏和骨肉置瓶中理之經一年又以其
皮內^石器埋之俗事何脩羅神

又曰有樹神歲神初以人祭或用獼猴祭

呼得

通典曰呼得魏時聞焉在葱嶺北烏孫西北康居東北勝
兵萬餘人隨畜牧出名馬多貂鼠

曹國

北史曰曹國都邠密水南數里舊是康居之^地也國無^主
康國王命子烏建領之都城方千里勝兵千餘人國中有
得悉神自西海以^輿諸國並事之其神有金人馬金波羅
瀾文有五尺高下相稱每月以駝五頭馬十疋羊一百口
祭之南去康國百里大業中遣使貢方物

漕國

北史曰漕國在葱嶺之北漢時罽賓國也其王姓昭武字
順達康國王之宗族也都城方四里勝兵萬餘人國法嚴
峻俗重淫祠葱嶺山順天神者儀制極華以金為屋以銀
為地祠者日有千餘人祠前有一魚^池其孔中通馬出入
國王戴金牛頭冠坐金馬座上多稻粟豆麥饒象馬封

牛金銀鑲鉄遷總珠砂青黛安息青木等香黑鹽阿魏東去劫國七百里大業中遣使貢方物

何國

隋書曰何國都郝密水南數里舊是康地也其王姓昭武亦康國王之族類都城方二里勝兵千人其王坐金羊床東去曹國百五十里西去北國三百里大業中遣使貢方物

短人

通典曰短人魏時聞焉在康居西北男女皆三尺人衆甚去有蔡諸國甚遠康居長老傳聞常有商旅行北方迷惑道而到此國國中甚多珍寶夜光明月之珠其國去康居

可萬餘里

突厥本末記云自突厥北行一月有短人國長者不踰三尺亦有一尺者頭少毛髮若羊胞之狀突厥呼為羊胞頭其傍無他種類相侵俗無冠盜但有人鳥馬高七八尺恒伺短人喙而食之短人皆持弓矢以為之備按此亦在西北即魏略之短人國也

小人

通典曰小人在秦之南編軀纔三尺其耕種稼之時惧鵠所食大秦之南衛助之小人竭其珍貨以酬報

軒渠

通典曰軒渠國多九色鳥喙青綠頭紫翼紅膺糾頂丹足

碧身緋背玄尾亦名九色鳥亦名錦鳳其青多紅少謂之
繡鸞恒從弱水西來或云是西王母之禽也其國幣貨同
三童國

温宿

北史曰温宿國居温宿城在谷點西北去代一萬五百五
十里

朱俱波

通典曰朱俱波國後魏時通焉亦名諸居槃國漢子合國也
今并有西後蒲犁依耐德若四國之地在於闐國西千余
里其西至葱嶺二百里東至曷槃國南至女國三千里北
至踈勒九百里其王本踈勒國人後魏宣武永平中朱居

槃國遣使朝貢其言音與于闐相似其間小異人貌多同
華夏亦類踈勒大唐武宣以後類遣使朝貢

尉頭

北史曰尉頭國居尉頭城在温宿北去代一萬六百五十
里

滑國

通典曰滑國車師之別種後漢順帝永建初八滑從班擊
北虜有功漢以八滑為後部親漢侯自魏晉以來不通中
國至梁武帝普通初其王厭帶夷栗拖始遣使獻黃獅子
白貂裘波斯錦等物後魏時居乘乾地滑猶小國屬焉
後稍強大征其傍國波斯渴槃剌賓龜茲踈勒姑墨于闐

國焉其獸有獅子四脚馳人皆善騎射著小袖長袍
用金玉為帶女人被裘頭上刻木為角長咫尺以金銀飾
之兄弟其妻無城以氈尾為屋東向開戶其王金床隨太
歲轉無文字以木為契與傍國通用胡書羊皮為紙無職
官事天神火神每日出祀神而後食其跪一拜而止死以
木為槨父母死其子截一耳葬訖即吉其言語大謬然後
通至後魏時謂之厭噠國或云高車之列種或云大月氏
之種其源出於塞北自金出至後文帝時已八九十年
矣在子闐之西東去長安萬壹千里衣服類胡加以纓絡
頭皆剪髮其語與蠕蠕高車及諸胡不同部製可十萬依
隨水草其國無車輿多馳馬用刑嚴急盜無多少皆要斬

盜一償十死者富家累石為藏貧者掘地而埋隨身諸物
皆置家內又兄弟共聚一妻無兄弟者其妻戴一角帽若
有兄弟者依其多少之數更加帽角焉西城康居于闐沙
勒安息及諸小國三十許皆役屬之號為大國每遣使朝
貢孝明帝熙明中遣使伏子統宋雲使西城所經諸國不
能知其本末及山川里數今舉其客云至隨時又謂挹恒
國都烏澹水南二百餘里大月氏之種類也勝兵五六萬
人俗善戰先時國亂突厥遣通設字誥強領其國俗同吐
火羅南去曹國千五百里東去瓜州六千里大業中遣使
來貢按劉璠梁典滑國姓嚙唎後裔滑姓為國號轉訛又
謂之挹恒焉

姑默

北史曰姑默居南城在龜茲西去代百萬五百里

疊伏羅

通典曰疊伏羅後魏時通焉去代三萬一千里國中有勿悉城城北有壘壘奇水西流有白象土宜五谷宣武時遣使貢方物

阿鈎羗

通典曰阿鈎羗後魏時通焉在莎車西南國西有懸度山懸其間四百里中往上有棧道下臨不測之深入行以繩紫相持度山有五穀諸菓市用錢為貨居止立宮室有兵器

葱苾羗

苾音紫

通典曰燉煌西城之南山中從姑羗西至葱嶺數千里有月氏餘種曰葱苾羗白馬羗黃牛羗各有酋豪比與諸國接不知其道里廣攸傳黃牛羗種類孕身六月生南與白馬羗鄰並魏時聞焉

太平御覽卷第七百九十六

據黃氏籍鈔本校計九頁

馬美騰並駿拜聞焉

對不映其首里黃女軒黃半美蘇騰平良六月主南台
且丑鎗蘇曰慈並美白馬美黃半美各首首豪出之國
區與曰熾對西姓之南山中并敬美西至慈慈於燒半里

太平御覽卷第七百九十七

四夷陪十八

西戎六

蒲類

小苑

精絕

渠勤

依耐

無雷

難兜

孤胡

山國

烏貪

卑陸

郁立師

却國

烏弋山離

拘弥

德若

高附

東離

移支

者舌

拔豆

烏利

者至拔

朱居

權烏摩

伽色尼

薄知

牟知

阿弗太汗

呼似密

諾邑波羅

卑伽至

伽不單

伽倍

拆薛莫孫

鉗敦

弗敵沙

臨兒

貨虜

盤鉞

塩長

奇桓

石尖

扶伏

可蘭

鷓國

無不達

無繼民

錄民

無首民

納民

拘夷

波羅秦斯

鼠王

摩訶賴

波麗越

維城

和訶條

播黎曰

舍衛

維耶離

迦維羅越

那訶維

碓圍

拘那含

波羅柰國

拘宋娑

蜀密

拘私那竭

摩竭提

蒲類

漢書曰蒲類王治天山西疏榆谷去長安八千三百一十餘

里

後漢書曰蒲類國王居天山西疏榆谷一帳而居逐水草

能作弓矢國出名馬蒲本大國也前西城屬匈奴時蒲

王得罪于單于怒徙蒲國人名六千餘口內之匈奴右部

王得罪于單于怒徙蒲國人名六千餘口內之匈奴右部

阿惡地号號曰阿惡國初徙居時甚貧高不能者逃亡在
山谷間故後留為蒲類國云

小苑苑 上三四

漢書曰小苑國王治杆令城去長安七千二百一十里東
與婁差接

精絕城 上三四

漢書曰精絕國王治精絕城去長安八千八百二十里地
陷狹西通杆弥四百六十里

渠勒上三四

漢書曰渠勒國王治鞬都城去長安九千九百五十里東
與戎盧接

依耐上三四

漢書曰依耐國去長安萬沙一百五十里皆至疏勒疎 上六百
五十里少穀寄田莎車疏勒

難兜上三四

漢書曰難兜國王治渠長安一万五千一百五十里西與
大月氏接種五穀有金銀銅鐵作兵

无雷上三四

漢書曰无雷國王治无雷城去長安九千九百五十里
衣服類烏孫

孤胡上三四

漢書曰孤胡國王治車柳谷去長安八千餘里

難兜條在
無雷條後

山國 上四

漢書曰山國王治去長安七千一百七十里出鐵民山居寄田耀穀於焉者

烏貪 上四

漢書曰烏貪訾離國王治于婁谷去長安萬三千三百三十里

卑陸 上四

漢書曰卑陸國王治天山乾當谷去長安八千六百八

十里

郁立師 上四

漢書曰郁立師國王治內咄谷去長安八千八百三十里

里

却國 上四

漢書曰却國王治天山東丹渠谷去長安八千五百七十

里

烏弋山離 上四

漢書曰烏弋山離國王治去長安萬二里二百里不屬都

護烏弋地暑熱其草木畜產五谷菓菜飲食官室市列

貨兵器金珠之屬方朔賓同有桃枝枝獅子犀牛俗種妄殺

豕文為人頭象為騎馬

拍弥 上四

後漢書曰拍弥王治寧弥城去洛陽萬二千八十里虛帝

嘉平四年于闐王安國攻寧弥城安國攻殺其王死者甚衆戊

已校尉西域長史各發兵輔立寧弼侍子定芳為王

德若 上音四

後漢書曰德若國王東去洛陽一萬二千二百五十里

于合相接其俗皆同

高附 上音四

後漢書曰高附國在大月氏西南其俗似天竺而弱易服

善賈販內富財所屬天竺常天竺鄴賓安息三國強則得

之弱則失之

東離 上音四

後漢書曰東離國王治沙其城在天竺東南二千餘里其

暑熱風氣物類於天竺同有城十數其人民男女皆

長大可八尺乘象往來隣國有寇乘濠以戰

移支 上音四

後漢書曰移支國王居蒲類地其民勇猛敢戰以寇鈔為

事皆被髮隨畜逐水草不田作

者舌 上音四

後魏書曰者舌國故康居國也在破洛那西北去代一方

五千四百五十里大武太延三年遣使朝貢

拔豆 上音四

後漢書曰拔豆國去代二萬五百里國中出銀金雜貨白

象水牛犛牛蒲桃五菓土宜五穀

鳥利 上音四

後漢書曰烏利國去代五萬八千里國中出金玉良馬
白疊土宜五穀

者至拔

後魏書曰者至拔國都城在踈勒西去代一萬一千六百
二十里其國東有潘賀山出美鐵獅子等

朱居

後魏書曰朱居國在于闐西其民山居有凌多林果咸事
佛力于闐相類後屬厭連

權鳥摩

後魏書曰權鳥象故鳥耗國也其王治鳥耗城西接悉
居半國西南去代一萬二千九百七十里

伽色尼

後魏書曰伽色尼國治伽色城在万斤南去代一萬二千
九百里出赤塩多玉菓

薄知

後漢書曰薄知國治城在伽色尼南去代一萬三千二百
二十里

牟知

後漢書曰牟知國都牟知城在均蜜西去代二萬二千九
百二十里土平禽獸草木類中國

阿弗太汗

後漢書曰阿弗太汗國治阿弗太汗城在扭蜜西去代二

萬二千七百二十里土平多五穀

呼似蜜上四

後漢書曰呼似蜜國治呼似蜜城在阿弗太汗西去代二萬七百里出金銀琥珀有獅子多五菓

諾色波羅上四

後魏書曰諾色波羅國治諾色波羅城在扭密南去代二萬三千四百八十里土平宜稻麥五菓

卑伽至上四

後魏書曰卑伽至國治卑伽至城東接扭密國去代二萬三千七百里土平少田殖取稻麥於隣國有五菓

伽不單上四

後魏書曰伽不單國治伽不單城在悉萬斤西北去代一萬二千七百八十里土宜稻麥有五菓

伽倍上四

後魏書曰伽倍國故休蜜翎侯所治和墨城也在莎車西去代萬三千里民居山谷間

拆薛莫孫上四

後魏書曰拆薛莫孫國故雙靡翎侯所治雙城也在伽倍西去代一萬三千五百里居山谷間

鉗敦上四

後魏書曰鉗敦國古之貴霜翎侯所治護藻城也在拆薛莫孫西去代一萬三千五百六十里居山谷之間

弗敵沙上音四

後魏書曰弗敵沙國古矜慎翎侯所治薄方城也在鉗敦西去代一萬三千六百里居山谷間

臨兒上音四

魏略曰臨兒國浮屠經云其國王生浮屠太子也父曰胥頭耶母曰莫耶浮屠身服黃色髮青淨有青毛冬亦始莫耶夢白象而孕及生從母右脅出地能行七八步漢哀帝元壽元年博王景庸從月氏王使伊存口授浮屠經其所載與老子經相出入蓋以老子西出關教胡為浮屠也

質虜上音四

魏畧田質虜本匈奴之奴也匈奴名奴婢為質姑違武將匈奴衰分其奴婢亡厯在金城武威酒泉北卑水東畜牧逐水草抄盜涼州不占東部鮮卑同也其衆非一有大胡丁今羌雜處並本亡奴婢也

盤越上音四

魏書曰盤越國一名漢越王在天竺東南數千里并益部相近其人小大并中國人同

監長上音四

山海經曰西海中有監長國其人鳥首亦民鳥民

奇恒上音四

括地圖曰奇恒民善為機巧設百禽為飛軍從風速行湯

天部九引作奇眩

時西風多奇恒車至於豫州湯破其車十年西風到乃令復作車遣歸去玉門四萬里

石尖 上音四

玄中記曰土門之西南羌之東有一國五六百戶死他事役國中有一山上有祠廟國人每歲出石尖數千枚輸於廟中名霹靂尖以給霹靂所用從春雷出而尖日減至秋大盡

安盡

扶伏 上音四

玄記曰扶伏民者黃帝軒轅之臣曰茹豐有罪刑而放之扶伏而去是後為扶伏民去玉門關二萬五千里

可蘭 上音四

沙州記曰大白蘭西北千二百里有可蘭國風俗卑陋從開闢來口不知穀味目不識五色耳不聞六律五聲是西夷中不滅者土無所出直大養群畜而已戶落萬餘其人頑弱見異人舉國便走

鵠國 上音四

神異經曰四海之中有鵠國男女皆長七寸為人自然有禮好談論跪拜其人歲壽三百行如飛日行千里有百初不敢犯之唯畏海鵠也遇吞之亦壽三百歲人在鵠腹中不死而鵠一舉千里

無不達 上音四

神異經曰西南大荒中有人焉長一丈腹圍九尺龜蛇戴

大字上移 本三格

好下抄本 空一格

朱鳥左手憑青龍右手憑白虎知河海并斛識山石多少
知鳥獸言語知百穀可食識草木甘苦名曰聖一名哲一
名無不達凡人見拜者令人神知

無繼民 上音

外國圖曰元繼民穴居食土無夫婦死則埋之心不朽百
年腹生去玉門四萬六千里

錄民 上音

外國圖曰錄民穴居食土無夫婦死則埋之其肺不朽百
年復生去玉門萬一千里

無首民 上音

外國圖曰無首民乃與帝爭神帝斬其首勅之北野以乳

為目臍為口去玉門三萬里

納民 上音

外國圖曰納民陸居食土無夫婦死則埋之其肝不朽八
年復生去玉門五萬里

狗夷 上音

釋道安西域志曰狗夷國北去城數百里山上有石甕溺
水滴下以金銅鐵及木器手掌承之皆漏唯瓢瓠不漏服
之令人身臭毛皮盡脫得止其國有娑羅門守視

波羅泰斯 上音

釋道安西域志曰波羅泰斯國佛轉法輪調達人地獄土
陷處皆在其國

鼠土上三四

釋道安西域志曰于闐道中有鼠王國大者如狗小者如兔着金袈裟沙門過不禮白衣不禮輒害人

摩訶賴上三四

得訶賴國

釋道安西域志曰摩訶賴國又南有阿耨達山王舍城在耨達山東南角竹園精舍在城西佛寺竹甚多去城五十里

波麗日越上三四

釋安道西域志曰羅衛國東四百里至波麗越國波麗越國即佛外祖國也

鷄國上三四

釋安道西域志曰胡城北有鷄城其人首冠象鷄也

和訶條上三四

支僧載外國事曰和訶條國在大海中地方二萬里一十大山名三漫屈有石井七中生千葉白蓮花數朶井边石上有四佛足跡每月六七日弥勒菩薩常以諸天神禮佛迹畢便飛去國王長者常作金樹銀花銀樹金花以供奉

佛

播黎日上三四

支僧載外國事曰播黎日國者昔是小國耳今是外國之大都流沙之外悉稱臣妾

舍衛上三四

支僧戴載外國事曰舍衛國今無王復盡屬播黎曰國王遣小兒住國人不奉佛法

維耶離上三四

支僧戴載外國事曰維耶離國去舍衛五十里金國人不復奉佛律維摩詰家在城內國人不復奉佛悉事水火餘外遣也

迦維羅越上三四

支僧戴載外國事曰迦維羅越國今無復王土也國人亦屬

播離曰國昔太子生時有二龍一吐水一吐火一冷一暖煖

今有二池尚一冷一暖

拘訶維上三四

支僧戴載外國事曰拘訶維國土豐樂多民物在迦維越南

相去三十里

碓國上三四

支僧戴載外國事曰迦葉佛生碓國今無復獲自此國故處在

舍衛國西相去三十里

拘那舍上三四

支僧戴載外國事曰拘那舍國牟尼佛所生也亦名拘那舍

在迦維羅越西相去三十里

波羅奈國上三四

支僧戴載外國事曰弥勒佛當生波羅奈國是屈陀羅經所

說在迦維越南

拘宋婆上三四

里字下抄本 空二格

支僧戴外國事曰拘宋婆國今見過去佛四所住處四屋
迦葉佛住中教化四十年釋伽文佛住五年二佛不說

戴 芻密 上三四

支僧戴外國事曰芻密小國耳在舍衛之西國王民人悉
奉佛土地寒羅漢道人及沙門到冬月日未中前少飲酒
過中後不復飲酒食果國屬大秦

戴 拘私解竭 上三四

支僧戴外國事曰佛在拘私解竭國佛欲人涅槃時自然
有寶床從地出有八万四千國王爭將佛歸神廟天人曰
佛應就此亡解竭土乃作金棺柵檀車送佛喪積薪不燒
自然王將舍利婆羅門分之乃用金升量舍利得八斛四

千諸國各得少許還國各立浮屠

戴 摩竭提 上三四

支僧戴外國事曰摩竭提國在伽維羅城之南相去三
十里由旬有具多樹佛在此樹下坐六年

太平御覽卷第七百九十七

據黃氏新鈔本校計上頁

前空八行

太平御覽卷第七百九十八

四夷部十九

西戎七

吐蕃

上卷四

大羊同

上卷三

悉立

章求拔

上卷四
另提行

目末

上卷二

鳥耗

上卷四

西夜

上卷四
另提行

吐蕃

上卷四

唐書曰吐蕃在長安之西八千里本漢西方之地其種落莫知所出或云南涼禿髮利鹿孤之後也利鹿孤有子曰樊尼及利鹿孤卒樊尼尚幼弟禪檀嗣位以樊尼為安西將軍後魏神瑞元年禪檀為西秦乞伏盤熾所滅樊尼招集餘眾以投沮渠蒙遜而蒙遜以為臨松太守及蒙遜滅

樊尼乃率衆西奔濟黃河踰積石於羗中建国開地十里
樊尼威惠夙著為群羗所懷皆撫以恩信歸之如常遂改
姓為宰教也宰教以禿髮為國號語訛謂之吐蕃其後子孫
蕃昌又侵伐不息土宇漸廣歷周及隋猶隔諸羗未通於
中國其國人號其王為贊普置大論小論以統理國事無
文字刻木結繩為約雖有官不常厥職臨時統領徵兵用
金箭報寇至奉烽燧百里一亭用刑嚴峻小罪剜眼劓刑或
皮勒殺之報但隨喜怒而無常科囚人於地牢深數丈二三
年方出之宴與國賓客必驅犂牛令客自射牲以供饌與
其臣下一年一小盟刑羊狗獠猴先折其足而殺之釋其
賜而屠裂之令巫者告於天地山川日月星辰之神云者

心遷志變懷奸反覆神明曠之同於羊狗三年一大盟夜
於壇墀之中陳設肴饌殺人牛馬驢以為牲呪曰尔等咸
須同戮力共保我家惟天神地祇共知尔志有負此盟使
爾身體屠裂同於此牲其地氣候大寒不生稷稻有麩麥
營豆小麥蕎麥畜多犂牛猪犬羊馬又有天鼠狀如雀鼠
其大如猫皮可為裘又多金銀銅錫其人或隨畜牧而不
常厥居然頗有城郭其國都城號為邏些城屋皆平頭
高者至數十尺貴人處於大氊帳名為拂廬寢處汗穢絕
不櫛沐接手飲酒以氊為盤捻麵為椀實以羨酪并而食
之多事羶羝之神人信巫覡不知節候麥熟為歲首圍碁
六博吹蠡鳴鼓為戲弓劍不離身重壯賤老母拜於子七

居於父出入皆少者前老者後軍令嚴肅每戰前隊地死
後隊方進重兵死惡病終累代戰沒以為甲門臨陣敗走
者懸狼尾於其首表其似狐之怯稠人廣衆必以狗馬其
俗耻之以為次死拜必兩手據地作狗吠之聲以身再揖
而止居父母喪截髮青黛塗面衣皆服黑既葬即吉其贊
普死以人殉葬衣服珍玩及常所乘馬弓劍之類悉埋之
又曰貞觀八年其贊普弃宋弄讚始遣使朝貢弄讚弱冠
嗣位性驍武多英略其隣國羊同及諸羗普賓伏之太宗
遣行人馮德遐往無慰之見德遐大悅聞突厥及吐谷渾
皆尚公主乃遣使獻金隨德遐入朝多賫金寶奉表求婚太宗
未之許

又曰弄讚常率衆二十餘萬頓於松州西境遣使貢金帛
云來迎公主太宗遣吏部尚書侯君集等擊破之弄讚大
懼遣使謝罪因復請婚太宗許之弄讚乃遣其相祿東致
禮獻金五工兩自餘寶玩數百事貞觀十五年太宗以文
成公主妻之令禮部尚書江夏郡王道宗主婚持節送公
主于吐蕃弄讚率其部兵浮海親迎于河源見王人如子
婿之禮甚恭既而歎大國服飾禮儀之美俯仰有愧沮之
色反舟公主歸國謂所親曰我祖父未有通婚上國者今
我德尚大唐公主為幸實多當為公主築一城以誇示後
代遂築城邑立棟宇以居處焉公主惡其人赭面弄讚
令國中權且罷之身亦釋擲表襲紕綺好慕華風仍遣酋

豪子弟請入國學以習詩書又請中國識文之人與其表

疏

又曰太宗伐遼東還弄讚遣祿東贊來賀奉表曰聖天子

平定四方日月所照之國並為臣妾而高麗恃遠闕於

臣禮天子自領百萬渡遼致討摧城陷陣指日凱旋夷狄

纒聞陛下發駕少進之間已聞歸國鷹飛迅越不及陛下

連疾如忝預子婿喜倍常夷夫鵝鷹也故作金鵝奉獻其

鵝黃金鑄成高七九中可實酒三斛

又曰高宗嗣位授弄讚為駙馬都尉封西海郡王賜物二

千段弄讚因致書司徒長孫无忌等云天子初即位若臣

下有不忠之心者當勒兵以赴國并獻金銀珠寶十五種

高宗嘉之進封為王賜雜彩三千段因請蚕種及造酒

碾磴紙黑之匠並許焉

又曰高宗聞劉審禮等敗召侍臣問以緩禦之策中書

舍人郭正一曰吐蕃何梗年歲已深命將與帥相繼不絕

空勞士馬虛費糧儲近計則徒損兵威深入則難窮巢穴

臣望少發兵募且遣備邊明立烽堠勿令侵抄使國用豐

足人心叶同寬之數年可一舉而滅給事中劉齊賢皇甫

文亮等皆言嚴守之便

又曰長壽元年武威軍摠管王孝傑大破吐蕃之衆克復

龜茲于闐疎碎葉等四鎮乃於龜茲置安西都護府發兵

以鎮守之

鷹鷹之誤

按本帝乃常之
說又倒在此字
下猶字當在鵝
字下天乃夫之
說鳥當是鵝
按刻本初下脫
猶字餘不誤
九百十九所引可

字下抄本
空一格

又曰聖曆二年^四蕃將贊婆率所部千餘人及其兄弟莽布支等來降則天遣羽林飛騎郊外迎之敕贊婆輔國大將軍竹右衛大將軍封歸德郡王優賜甚厚

又曰神龍元年贊普之祖母遣其大臣悉董然來獻方物為其孫請婚中宗以所養雍王守禮女為金城公主許嫁與之自是頻歲貢獻景龍三年十一月又遣其大臣尚贊吐等來逆女中宗宴之于苑內毬長命駙馬都尉楊慎交與吐蕃使打毬中宗率侍臣以觀之四年正月制曰聖人布化用百姓為心王者垂仁以入荒無外故能光宅遐邇裁成品物由是隆周理曆恢柔遠之圖強漢乘時建和親之義斯蓋禦夷長策經邦遠謨朕受命上靈克纂洪業庶

幾前烈求致和^和平睽彼吐蕃僻在西服皇運之始早申朝貢太宗文武聖皇帝德侔覆載情深億兆思偃兵甲遂通姻好數十年間一方清靜自文成公主化往其國因多變革我之邊隅亟興師旅彼之蕃婆頗聞彫弊頃者贊普及祖母可敦酋長等屢披誠款積有歲時思託舊親請崇新好金城公主朕之少女豈不鍾念但為人父母志恤黎元若免乃誠祈更敦和好則邊土寧宴兵役休息遂為國大計築茲外館聿膺嘉禮降彼吐蕃贊普即以今月進發朕親自送於郊外命大將軍楊矩使焉其月帝幸始平縣以送公主設帳殿於百頃泊側引王公宰臣賦詩餞別改始平縣為金城縣改其地為鳳池鄉

又曰開元二年秋吐蕃大將軍金薩延乞力徐等率眾十餘萬寇臨洮軍又進寇蘭禾等州掠監牧羊馬而去玄宗令攝左羽林將軍薛訥及太僕少卿王殷率兵邀擊之仍不詔將大舟親征召募將士克期進發俄見賊等舟賊相遇于渭源之武階驛前軍王海濱力戰死之殷等乘之而進大破吐蕃之衆殺數萬人盡收得所掠羊馬賊餘黨奔北相枕藉而死洮水為之不流上遂亭親征命紫微舍人倪若水往接重寶仍吊祭王海濱而還

又曰開元十七年玄宗遣皇甫惟明等使吐蕃惟明等既見贊普及公主且宣上意贊普等欣然請和盡出金親已來前後勅書以示惟明等令其重臣名悉賴隨惟明入

朝上表曰外甥是先皇帝宿親又蒙降金城公主遂同和為一家天下百姓普皆安樂中間為張玄表禮知古等東西兩處先動兵馬侵抄吐蕃邊將所以兩相征討迄至今日遂成疊隙外甥以先代文成公主金城公主之故深識尊卑豈敢失禮又緣年小在被邊將万足承前讒構亂令舅致恠伏乞垂察追留使將万足承前數度使人入朝皆被邊將不許所以不敢自奏去冬公主遣使人婁衆失若將杖尊往蒙降使看公主來外甥不勝喜荷謹遣論名悉賴及副使押衛將軍浪步紇夜悉臘入朝奏表進曰兩國事意悉獵所具外甥蕃中已處分邊將不許抄掠若有漢人來投便令却送伏望皇帝舅遠察赤心許從舊好

誓謹奉進金胡瓶一，金盤一，椀一，馬腦盃一，零羊衫段一，謹充微忱之禮。金城公主又別進金鴨盤盞雜器物等十
 八年十月名悉獵等至京師，上御宣政殿列羽林仗以見之。志悉獵頗曉書記，先曾迎金城公主至長安，當時朝廷皆稱其材辨，及是上引入內宴，與語甚禮，之賜一袍、金帶及魚袋，并時服繒綵銀盤、胡瓶等，仍於別館供擬甚厚。悉獵受袍帶器物而却進魚袋，辭曰：「本國无此章服，不敢當殊異之賞。」上喜而許之。詔御史大夫崔琳林克使報聘，仍於赤嶺各堅分界之碑，約以更不相侵。時吐蕃使奏云：「公主請毛詩、禮記、左傳、文選各一部，制令秘書省寫與之，正字于

休烈上疏諫曰：「臣聞戎狄國之寇也，經藉國之典也。戎之生心不可以無備，典有恒制不可以假人。傳曰：裔不謀夏，夷不乱華，所以革其非心，在乎有備。無患昔者，東平王入朝，求史記諸子，漢帝不與，蓋以史記多兵謀，諸子雜詭術。夫以東平漢之懿戚，尚不欲示征戰之書，今西戎國之寇讎，豈可貽以經典之事？且臣聞吐蕃之性慄悍果決，敏精特銳，善學不迴。若達放書，必能知戰；深於詩，則知武夫有師干之試；深於禮，則知月令有廢興之兵；深於傳，則知用師多詭詐之智；深於史，則知往來有書檄之制。何異備寇兵而資盜糧也？臣聞魯秉周禮，齊不加兵，吳獲乘車，楚履奔命，一以守典存國，一以喪法危邦，可取鑒也。且公主

出嫁從人遠適異國合慕夷禮返求良書愚臣料之恐非
公主本意也慮有奔北之類勸教於中若陛下慮失蕃情
以備國信必不得已請去春秋當周德既衰諸侯強盛禮
樂自出戰伐交興情偽於是乎生變詐於是乎起則以臣
名君之事取威定霸之名若與此書國之患也傳曰于奚
請曲縣幣纓仲尼云惜也不如多與之邑惟名與器不可
假人狄固貪婪貴貨易土止可錫之錦綺厚以玉帛何必
率從其求以資其智臣忝叨列位職刊秘籍實痛經典棄
在戎夷昧死上聞惟陛下深察

又曰開元二十二年遣將軍李佺於赤嶺典吐蕃分界立
碑工十四年正月吐蕃遣使貢方物金銀器玩數百事皆
形制甚異上令列於提象門外以示百寮

又曰開元二十八年春章求兼瓊宥與安戎城中吐蕃翟
都局及維州別駕熏承宴等通謀都局等遂翻然歸款因
引官軍入城盡殺吐蕃將士使監察御史許遠率兵鎮守
上聞之甚悅中書令李林甫等上表曰伏以吐蕃北城正
當衝要憑險自固恃以窺邊積年以來蟻聚為患縱有百
萬之衆難以施功陛下親紆秘策不興師旅頃令中使李
思敬晚喻羌族莫不懷思翻然改圖自相謀陷神筭運於
不測睿畧通於未然累載通誅一朝蕩滅又臣等今日奏

事陛下從容示四等曰卿等但看四夷不父當漸淪喪德
音纔降遽聞戎捷則知聖與天合應響至速前古已業所

未有也請宣示百寮編諸史策手制荅曰此誠儀鳳年中
羗引吐蕃遂被固守歲月既久攻伐亦多其地險隘非力
所制朝廷群議不勸取之朕以小蕃無知事須處置殺以
奇計所以行之獲彼戎心歸我城守有足為慰也

大羊周上宜四

通典曰大羊同東接吐蕃西小羊同北至于開東西于
里勝兵八九萬其人辨髮擅裘畜牧為業地五風雪水厚
尺餘所出物產頗同吐蕃俗無文字但刻木結繩而已刑
法嚴峻其酋豪死決去其腦實以珠玉剖其五臟易以黃
金假造金鼻銀齒以人為殉卜以吉辰藏諸岩穴地人莫
知其所多殺特牛以馬以克祭祀葬畢服除其王件姜葛

一格
生抄本空

有四大臣分掌國事自古未通

悉立上宜四

通典曰悉立在吐蕃西南戶五萬餘有城邑村落依溪澗
丈夫以繒綵纏頭衣氍毹婦人辨髮着短裙以蒸糲為俗
畜多水牛叛羊鷄豕穀宜稷稻麥豆饒其蔗諸菓死葬於
中野不為封樹喪制以黑為衣一年就吉刑有別剽羈事
吐蕃

章求拔上宜四

通典曰章求拔或云章揭西拔本羗種也在悉立西南居
四山之內近代移出山西接東天竺遂改衣服變西羗之
俗其地遙袤八九百里勝兵二千餘人居無城郭好為寇

掠南旅患之聞悉立入朝亦遣使朝貢

且子 余切

漢書曰且末國王治且末城去長安六千八百二十里有蒲萄諸果西通精絕二十里

北史曰且末西田有流沙數百里夏日有熱風為行旅之患風之至唯老驪預知之即贊而聚立埋其口鼻於沙中人每以為候亦即羶壅蔽鼻中其風迅駛斯須過盡若不防者必至危斃後魏大統八年其兄鄴善米率衆內附

鳥耗 上加切 下嘉切 鳥耗 二空四

漢書曰鳥耗王治鳥耗城去長安九千一百五十里田石間有白草累石為室民接手飲師古曰自高山下溪也出小

步馬師古曰小細步也 所謂百步于跡也

西夜 上空四

建谷 提音巨

漢書曰西夜國王字子合王治呼犍水去長安万二百五十里與胡其種類羌氏行國師古曰言隨畜逐水草徙而地出玉石

後漢書曰西夜國去洛陽万四千四百里地生白草青毒國人煎以為藥付箭鏃所中輒死

太平御覽卷第七百九十九

四夷部二十

北狄一

總叙北狄上

說文曰狄犬種字從大狄之言淫僻也

白虎通曰狄因者易也言僻易無別

風俗通曰胡者謹按漢書山戎之別種也

禮法又胡者謹玄也其被髮左衽言語贄幣事殊玄也

晉中興書曰胡者北狄之摠名也

詩曰采薇遣戍役也文王之時西有昆夷之患北有獫狁

之難以天子之命命將帥遣戍役以守衛中國故歌采薇

以遣之出車以勞還杖杜以勤歸也采薇采薇亦作止
日歸日歸歲亦暮止靡室靡家玁狁之故不遑啓居玁狁
之故玁狁北狄也古者師出不踰時令歲生而行歲玁狁之
晚乃歸使役無室家夫婦之道不暇啓居者有難也

又曰我戎未定靡使歸聘聘問也定止也我方守使歸問
於北狄未得止無所言所憂

又曰我車歸駕四牡業業豈敢定居一月三捷六之中三有勝功謂
月侵也伐也戰也

又曰豈不日我玁狁孔棘戒警初軍事也言君子小人豈不日相警戒乎
也孔甚棘急玁狁之難甚急預還其苦以勸之

又曰王命南仲往戍于方出車彭彭旂旐央央天子命我
城彼朔方赫赫南仲玁狁于襄襄除

又曰昔我往矣黍稷方華今我來思雨雪載塗王事多難

不遑啓居塗凍釋也黍稷方華朔方之地六月
時也以此出征至春凍始釋而來反

又曰執訊獲醜薄言還歸赫赫南仲玁狁夷夷平

又曰六月宣王北伐也六月棲柁戎車既飭四牡騤騤戎

是常服玁狁孔熾我是川急熾盛也此序吉甫之意也北
狄來侵甚熾故王以急遣我

又曰玁狁匪茹整居焦獲侵鎬及方至于涇陽焦獲周地
名也接于

又曰薄伐玁狁至于太原言逐出
之而已

又曰文武吉甫弼邦為憲吉甫燕喜既多受祉吉甫吉甫也有文祉福也吉甫既
稅而歸天子以燕禮樂之則歡喜

又曰顯允方叔征伐玁狁方叔先與吉
甫征伐玁狁

又曰車攻宣王復古也宣王能內脩政事外攘狄夷復文

武之境土

又曰漸漸之石下國刺幽土也戎狄叛之山居漸漸然高峻
不可登而上喻戎

又曰何草不黃下國刺幽王也四夷交侵中國背叛國兵

不息視民如禽獸國兵不息自歲始
至晚歲何草不黃

又曰何草不黃下國刺幽王也四夷交侵中國背叛國兵

不息視民如禽獸國兵不息自歲始
至晚歲何草不黃

又曰何草不黃下國刺幽王也四夷交侵中國背叛國兵

禮曰比方曰狄衣羽毛穴居有不粒食者

周禮曰職方民掌天下之圖以掌天下之地辨其邦國都

鄙四夷八蠻七閩九貉五戎六狄之人民與其財用九穀

六畜之數要周知其利害北方曰貉也利全錫竹箭之屬言

又曰司隸掌五隸之法辨其物而掌其政令五隸謂隸物衣服

焉與鳥言鄭司農云東夷狄言故春秋傳曰介葛盧聞牛鳴曰是生之人或曉鳥獸之語皆用矣是以夷隸職掌鳥獸言也

傳曰北戎侵鄭鄭伯禦之公子突曰戎輕而不整貪而無

親勝不相讓敗不相救

又曰晉里克帥梁由靡御以敗狄于采桑梁由靡曰狄無

耻從之必大克里克曰懼之而已無遠衆狄

又曰晉侯敗狄于箕卻缺獲白狄子

白狄白狄之別種也故西河郡有白部胡

又曰鄭驪侵齊遂伐魯使叔孫得臣敗于鹹獲長狄倫如

富父終甥椿其喉以戈殺之埋其首於子駟之門

又曰赤狄侵齊又侵晉取向陰之禾晉滅赤狄潞氏以潞

子嬰兒歸潞赤狄之別種也

又曰成下潞子嬰兒之夫人晉景公之姊也酆舒為政而

殺之又傷潞子之日晉侯將伐之諸大夫皆曰不可酆舒

有三俊才伯宗曰狄有五罪不祀一也嗜酒二也棄仲章

而奪黎氏地三也虐我伯姬四也傷其君目五也天反時

為災地反物為妖民多德為亂亂則妖灾生故又反正為

之蓋在狄矣晉侯從之晉荀林父敗赤狄于典曲梁晉侯

賞桓子狄臣千室

小注津字抄本
作一行梁由靡
云另提行

門字另行

又曰無終子嘉父使孟樂如晉無終也戎國名因魏莊子
納虎豹之皮以請和諸戎晉侯曰戎狄無親而貪不如伐
之魏絳曰勞師於戎諸華必叛戎禽獸也獲戎失華無乃
不可乎公曰然則莫如和戎乎對曰和戎有五利焉戎狄
荐居貴貨易土土可買言一也邊鄙不聳民狎其野穡人成工
二也戎狄事晉四隣振動諸侯威懷三也以德緩戎師徒
不勤甲兵不頓四也鑒于後羿而用德度遠至邇安五也
又曰鄭人賂晉侯敬鍾二四扣也懸鐘及其鍾磬女樂
二分晉侯以樂之半賜魏絳曰子教寡人知諸戎狄以正
諸華八年之中九合諸侯如樂之和無所不諧請與子樂
之辭曰夫和戎狄國之福也臣何力之有焉公曰微子無

以待戎夫賞國之典也子其愛之魏絳於是乎始有金石
之禮樂也

又曰魯襄公十八年白狄始來白狄狄之別名未嘗與魯通故曰始來也

又曰晉荀息帥師也敗狄于大鹵大鹵太原晉場縣也即大鹵也無

又曰晉中行穆子敗狄無終及郡狄于太原將戰魏舒曰

彼徒我車所遇又阨以什共車不克乃毀車以為行為五

陣以相離兩於前伍於後專為右角參為左角偏為前拒

以誘之狄人笑之未陣而薄之大敗之傳言荀息能用善謀

又曰普梁丙率陰戎伐潁王使詹桓伯辭於晉曰我在伯

父猶衣服之有冠冕水水之有本原民人之有謀主也伯

父若裂冠毀冕拔本塞源專奔謀主雖戎狄其何有余猶然則非

狄元所可貴

戰字多行

又曰晉荀吳為會齊師假道于鮮虞遂入昔陽城肥以肥

子縣臯歸肥白狄也縣臯其君名鉅鹿下陽曲西南有肥累城

又曰晉荀吳師師伐鮮虞圍鼓三日鼓人告食竭力盡而

後取之克鼓而反不戮一人以鼓子鶯鞮歸鶯鞮鼓君名也

又曰晉荀躒如周葬穆后籍談為介王求彛器籍談曰晉

居深山戎狄之與隣而遠於王室王靈不及拜戎不暇其

何以獻器王曰叔父唐叔成王之異弟也密頌之鼓與其

大路文所以蒐也闕鞏之甲武所以克商也唐叔受之處

參虛撫有戎狄參實況之以晉之分也

又曰晉侯訓兵於稷以略狄上

穀梁傳曰中夷狄曰大鹵

爾雅曰北至于祝栗淮極遠之國

又曰觚竹地戶西王母日下謂之四荒觚竹在北地方南西王母在日下東

又曰九夷八狄七戎六蠻謂之四海八狄在北

又曰北載斗極為空桐空桐之人武地氣使之然也

論語曰管仲相桓公霸諸侯一匡天下民到于今知其賜

微管仲吾其被髮左衽矣無管仲則君不君臣不臣皆為夷狄

又曰夷狄之有君不如諸夏之亡也

國語曰鄭人伐滑王使游孫伯請滑鄭人執之王怒將以

狄伐鄭富辰諫曰不可夫狄無列於王室豺狼之德也王

不忍忿而奔鄭又登叔隗以階狄豺狼不可厭也

王弗聽十八年王黜狄后狄人來誅殺譚伯初惠后欲主

王子帶故以其黨啓狄人狄人遂入周王乃出居于鄭

又曰晉侯使隨會聘于周王饗之饋蒸原公相礼范子私

於原公曰吾聞王室之禮無毀折今此何禮也原公以告

至召士季曰親戚宴饗則有饋蒸惟我狄則有體薦夫戎

狄冒沒輕儻貪不讓其血氣不治若禽獸焉其適來班貢

不俟馨香嘉味故坐諸門外而始舌人體委與之汝今我

丑室之一二兄弟以時相見於是乎有折俎如豆以示容

合好胡有効戎狄也

又曰驪姬曰以臯落之狄朝夕苛我邊鄙君盍使申生伐

狄若不勝狄雖無濟其罪也可且夫勝狄諸侯驚懼吾邊

鄙不警公說使申生伐東山至穆桑狄人出逆申生欲戰

狐突諫曰不可果戰敗於稷桑

又曰公令闞楚刺重耳逃於狄秋北鬼姓

又曰襄王昭叔帶之難居於鄭地杞子犯曰君盍納王公

乃行賂于草中之戎驪士之狄以啓東道二邑狄邑戎在晉之東也

尚書大傳曰狄人將攻太王亶父亶父召耆老而問曰狄

人何欲耆老對曰欲得菽粟財貨太王曰與之每與而攻

不免太王問曰狄人又何欲耆老曰欲君之土地太王曰

樂與之耆老曰君不為社稷乎太王曰社稷所以為民也

不可以所為民者害也民耆老曰君縱不為社稷不為宗

廟乎太王曰宗廟者私也不可以吾私害民也遂杖策而

去過梁山止乎岐山問民之東脩奔而從之者三千乘

詩含神霧曰四方蠻貊制作器物多與中國交書則橫行
食則合和伏則交脚誠則細腰如此類甚衆中國之所交
者羅蟬胡床胡飯

春秋考異記曰北狄之氣主生幽都

太平御覽卷第七百九十九

據黃氏精鈔本校計六頁

前空八行

太平御覽卷第八百

四夷部二十一

北狄二

摠叙北狄下

史記曰唐虞以上有山戎儉狁葷粥

晉灼曰堯時葷粥周曰儉狁秦曰匈奴

又曰武王伐紂而營維北時邑復居於豐鎬遂放戎狄涇浴之

於乃入貢命曰荒服

又曰趙武靈王北破林胡樓煩築長城自代傍陰山下至

高鵠為塞而置雲中鴈門代都

漢書曰山戎伐燕告急於齊桓公北伐山戎山戎走

又曰晉文公攘戎翟居于西河圖洛之間號曰赤翟白翟



原件短缺

師古曰春秋所書晉師滅赤狄潞氏

又曰晉北有林胡樓煩之戎燕北有東胡山戎

後為鮮卑

又曰晉悼公使魏絳和戎翟我翟朝晉後百餘年趙襄子

踰句注而破之并代以臨朝發後與韓魏共滅智伯分晉

地而有之則趙有代句注以北而魏有西河上郡以與我

戎界選

又曰秦滅六國而始皇帝使蒙恬將數十萬衆北擊胡

悉收河南地因河為塞築四十四縣城臨河徙謫戍以充

之而通直道自九原至雲陽因邊山險衝谿谷可善者善

之趙臨洮至遼東萬餘里又渡河據陽山北假中當是時

東胡強而月氏盛

又曰昴日旄頭胡星也昴畢間為天街胡貉月氏於喪引

之民昂之主

又曰揚雄上書云北地之狄五帝所不能臣三王所不能制

制

又曰前世豈樂傾無量之費役無罪之人快心於狼望之

北哉以為不一勞者不久佚不暫費者不永寧是以恐百

萬之師以摧餓虎之喙運府庫之財填廬山之壑而不悔

也廬山匈奴中山也

又曰狄不服中國未得高枕安寢也

又曰外國天性忿戾形容魁健負力怙氣難化以為善易

隸以惡其強難誅其和難得故未服之時勞師遠攻
又曰狄真中國之堅敵也

又曰王莽征匈奴嚴尤諫曰周秦漢征之皆未得上策者
也周得中策漢得下策秦無策焉周宣王時獫狁內侵至
于涇陽命將征之盡境而還其視戎狄之侵境譬猶蚊
之螫歐之而已故天下稱明是為中策漢武帝選將練兵
約齊輕糧深入遠戍雖有克獲之功胡輒報之兵連禍結
三十年中國疲耗匈奴亦創艾而天下稱武是為下策秦
始皇不忍小耻而輕民力築長城之固延袤萬里轉輸之
行起於負海疆場既完中國內竭以喪社稷是為無策今
天下比年飢饉二十萬衆其三百日糧兵先至者聚居暴

露勢不可用一難也邊既空虛內調郡國不相萬及此二
難也計一人三百日食用糧十八斛非牛力小能勝胡地
沙鹵多乏水草軍出未滿百日牛必物故此三難也胡地
秋冬甚寒春夏甚風食糲飲水師有疾疫此四難也輜重
自隨則輕銳者少幸而逢虜危殆不測此五難也莽不聽
又曰夷狄之為患也考自漢興忠言嘉謀之臣曷嘗不運
籌策相與爭於廟堂之上乎高祖時則文敬呂后時有樊
噲也恢韓安國季布孝文時賈誼晁錯孝武時有朱買臣
公孫弘董仲舒人特所見各有異同然物其要歸兩科而
已縉紳之儒則守和親介冑之士則言征伐皆徧見一時
之利害也

又曰文帝徙六郡良家材力之士聚天下精兵軍於廣武
顧問馮唐與論將師喟然歎息思古名臣此和親無益之
明効也

又曰董仲舒以匈奴可悅以厚利結之與盟於天耳以盟誓故與之厚
利以沒其意與盟於天以堅其約質其愛子以累其心使
邊城守境之民父兄緩帶雅子咽哺胡馬不窺於長城而
羽檄不行於中國不亦便於天下乎

又曰孝武時雖征伐克獲而士馬物故亦各相當雖開河
南之野建朔方之郡亦弃晉陽之北九百餘里匈奴人民
每每來降漢單于亦輒拘當漢使以相報復其桀驁尚如
斯

又曰孝宣之世單于臣服三世稱藩寔於漢庭是時邊城
晏閉牛馬布野

又曰王莽篡位始開邊隙單于由是歸怨自絕莽斬其侍
子邊境之禍構矣

又曰蕭望之曰戎狄荒服言其來服荒忽無常時至時去
宜待以客禮

又曰夷狄之人飲食不同言語不通僻居北野寒露之野
逐草隨畜射獵為生隔以山谷擁以沙幕天地所以絕外
內也

又曰晁錯上書曰戰勝之威民氣百倍敗兵之卒沒世不
復自高后以來隴西三困於匈奴矣民氣破傷固有勝意

六郡謂隴西天水安定定天水漢武帝所置

又曰以蠻夷攻蠻夷中國之形也今匈奴地形技藝與中國異上下山坡出入溪澗中國之馬弗與也險道傾仄且馳且射中國之騎弗與也風雨罷勞飢渴不困中國之人不與也此匈奴之長技也

又曰材官騶發矢道同的則匈奴之革筥木薦弗能支也

又曰胡貉之地積陰之處也木皮三寸凍厚六尺食肉而

飲酪其人容理鳥獸毛其性耐寒

又曰胡人衣食之業不著於地其勢易以擾亂邊境何以

明之胡人如飛鳥走獸廣野美草甘水則止草盡水竭則

移以是親之往來轉徙時至時去此胡人之生業也

又曰匈奴欲立威者始於折膠

秋氣至膠可折匈奴可
用匈奴常以此時出兵

後漢書曰耿秉上官曰今北虜分爭以夷伐夷國家之利

又曰聞匈奴傳論曰并兵窮討掩其密穴躡北追奔三千

餘里破龍祠焚罽幕銘功封石偈呼而旋

又曰王莽時盧芳詐稱武帝之後奔匈奴十二年芳與賈

覽共攻雲中久不下其將隨昱得芳之衆昱詣關拜昱為

五原太守封鐫胡侯

鐫謂鑿
鑿之也

晉書曰前漢末匈奴大亂五單于爭立而呼韓邪單于失

其國携率部落入臣於漢嘉其意剖荆州北界以安之於

是匈奴五千餘落入居朔方諸郡與漢人雜處後漢末群

臣競言胡人猥多宜先為之所津安中魏帝始分其衆為

可部立其中貴者為師復改帥為都尉其左部都尉所統

則字上抄本
空格

五萬餘落居於太原右部都尉可六千餘落居興縣中部
都尉可六千餘落居陵縣北部都尉可四千餘落居大陵縣
又曰晉武帝踐祚後匈奴二萬餘落歸化帝復納之使居
河西故宜陽城下復與晉人雜居由是平陽西河新興上
黨樂平靡不有焉

又侍御史郭欽上疏曰戎狄強獷歷古為患魏初置西北
諸郡皆為戎居今雖服從若百年之後有風塵之警胡騎
自平陽上黨不三日而至孟津北地河西太原馮翊安定
上郡盡為狄庭矣宜及平吳之威謀臣猛將之略出北地
西河安定復上郡實馮翊於平陽以北諸縣募取死罪徙
三河三魏四萬家以充之裔不亂華漸徙平陽榆農魏郡

京兆上黨雜胡峻四夷出入之防明先王荒服之制萬世
之長策也

又曰太康七年有萎莎胡率部來降

又曰北狄以部落為類其人居塞者有鮮支種有烏譚種
有赤勒種有捍蛭種有萎莎種有赤茲種有鬱鞞種有委
童種有大樓種不相雜錯

又曰其國號左賢王右賢王左奔蠡王右奔蠡王左於六
王右於六王左漸尚王右漸尚方左朔方王右朔方王左
獨鹿王右獨鹿王左顯鹿王右顯鹿王左安樂王右安樂
王凡十六等皆用單于親子弟

賈誼新書曰臣聞強國戰智者戰義帝者戰德故湯祝網

而漢陰受舞三苗而南蠻服今漢帝國也宜以厚德懷四
夷孰敢不承帝意陛下為臣建三表設五餌以此與單于
爭則不下匈奴猶振稿也臣且以是勢諭天子之言使匈
奴大衆信陛下也若日出之灼灼七故聞君二言雖有微遠
其志不疑九九離之人其心不殆若此則信諭矣一表也臣
又且以事勢諭陛下之愛匈奴之自視也苟狄面而戎狀
者其自以為見愛於天子也猶弱子之於慈母也若北則
愛諭矣一表也臣又且以事勢諭陛下之好令胡人之自
視也苟其技之所長與其所工可以當天子之意如此則
好諭矣一表也愛人之狀好人之役愛有實以諾可期十
死一生彼必將至此謂三表匈奴好之來者家長以上必

衣繡家少者乃表文綿為銀車五乘大雕蓋之駕西馬戰
綠蓋從數騎御驂乘且雖單于之出入也不輕都此矣令
匈奴降者時得此而賜之耳國聞之見之者希心而相告
人心莫幸以為吾至可以得此將以壞其是目一餌也匈奴
之使至者若天降者也大衆之聚也上必將有所賜食馬飯
物盛美矣歲多醢醢方數尺於前令一人坐此胡人觀者數
在旁得賜者之喜也且笑且飯味皆所嗜而謂未嘗得也今
來首時時得此而饗之耳國聞之者見之者母庭而相告成
自以吾至亦將得此以此壞其匈一餌也降者若使者至
也必使人有所召容焉胡人之欲觀者勿禁令婦傳白黑
繡衣而侍其堂者三二十九或薄或掩為其故戲使樂府

吹簫鼓鞀合使降者時得此而樂一國聞之者見之者人
唯恐其後至也以此壞其耳一餌也凡降者陛下必有
所居言令有高堂邃宇善厨大困既有編馬庫有陣車時時
大具召胡客饗胡令其居處樂皆過其慮其單子或出時
時賜此匈奴一國傾心而其人汲汲其時將以此懷其
腹至餌也於來降者上必時時所召幸拊循而後得入官
於胡嬰兒貴人子好可愛有數十人為繡衣出則更從入
則更侍胡嬰兒得近侍胡貴人得佐酒上前使付酒錢出
繡衣具帶衣服時以賜之合數人得此而居之一國聞者
見君人入唯恐後至也以此壞其心一餌也

晉中興書曰北狄其地南接燕趙北並沙漠東漸九夷西

界六戎世世自祖君臣不與中國正朔

西域記曰諸胡俗婚姻相然許者先送同心指環

崔豹古今注曰秦所築長城土色如紫漢塞亦然故稱紫

舉焉

李陵報蘇武書曰終日無覩但見異類常擗幕以禦風雨

又曰出禮義之鄉入無知之俗

又曰胡笳夜動牧馬悲鳴吟嘯成羣邊聲四起

又曰鏢王師兮征荒裔勦匈奴兮截海外封神丘兮建隆

碣廕帝載兮振萬世

古詩曰胡馬依北風越鳥巢南枝

古詩曰無人行日望胡地何峻側斷胡頭脯胡臆

陸機樂府詩曰駉馬陟陰山山高馬不前借問燕山侯勁
勇在燕然

古詩曰出自薊北門遙望胡地桑

陳唯樂尉詩曰飲馬昌成窟水寒傷馬骨

蔡琰詩曰來亭與乖異胡風春夕起

太平御覽卷第八百

據黃板藉鈔本校計七頁

